

駢

雅

訓

纂

駢雅卷五上

訓纂十

明 朱謀瑋 鬱儀

龍巖魏茂林學

釋天

上辛太虛圓靈洪覆泰清靈曜泰元圓精天也

〔文選〕甘泉賦惟漢十世將郊上辛〔注〕上辛天也〔又〕遊天台山

賦太虛遼廓而無閼運自然之妙有〔注〕太虛謂天也〔又〕月賦

柔祇雪凝圓靈水鏡〔注〕柔祇地也圓靈天也〔又〕補亡詩崇邱

漫漫方輿回回洪覆〔李周翰注〕方輿地也洪覆天也〔鶚冠子〕

度萬第八唯聖人能正其音調其聲故其德上及太清下及泰

寧中及萬靈〔陸佃解〕太清天也〔按〕文選嘯賦飄游雲於泰清〔注〕

泰清天也引鶚冠子文太作泰又開元占經竹木草藥占篇引

同古文泰作貞與大太通漢書橫泰河卽大河秦收泰半之賦

卽大半史記秦始皇本紀集解引太原真人茅盈內紀亦有駕龍上升入泰清之語泰清卽太清也

文選陳太邱碑文徵士

陳君稟嶽瀆之精苞靈曜之純注靈曜謂天也尚書緯有考靈

曜漢書禮樂志第二惟泰元尊媼神蕃釐注師古曰泰元天

也文選宋文皇后哀策文圓精初鑠方祇始凝呂延濟注圓

精謂天也方祇謂地也

朱明曜靈東君朱光陽烏大明日也

廣雅釋天朱明曜靈東君日也疏證楚辭天問曜靈安藏王逸

注云曜靈日也九歌有東君篇史記封禪書晉巫祠五帝東君

雲中司命巫社巫族人先炊之屬索隱引廣雅又云東君亦見

歸藏易又楚辭招魂朱明承夜兮王逸注朱明日也文選七

哀詩朱光馳北陸注朱光日也楚辭曰陽杲杲其朱光又蜀

都賦義和假道於峻岐陽。烏迴翼乎高標。注春秋元命包曰陽成於三故日中有三足烏烏者陽精按初學記天部日第二引廣雅云一名大明亦名陽烏今本廣雅無此語
禮禮器大明生於東注大明日也

夜光月也

楚辭天問夜光何德死則又育王逸注夜光月也

蠨蛸挈貳虹霓也

爾雅釋天蠨蛸謂之雲蠨蛸虹也注江東呼雲又蛻爲挈貳

注蛻雌虹也見離騷挈貳其別名見尸子。霓同蛻

列缺礧礧電也

漢書司馬相如傳下貫列缺之倒景兮涉豐隆之滂溥注服虔

曰列缺天閃也元包孟陰第七噬嗑列缺搏礧礧注礧礧

電光・先念徒念二切

霆霓疾雷也

爾雅釋天疾雷爲霆霓

天酒甘露也

神異經西北荒經已詳卷三上釋名稱西北有人名曰無路原
注

扶搖獨鹿旋風也

爾雅釋天扶搖謂之焱注暴風從下上又御覽九天部抱朴子
日用兵之要雄風爲急扶搖獨鹿之風大起軍中軍中必有反
者按今本抱朴子內外篇無此文

石尤逆風也

玉臺新詠卷第十宋孝武丁督護歌第一首願作石尤風四面

斷行旅海錄碎事一天部石尤風亦颶風之類原注番禺記按
洪氏容齋五筆卷三云石尤風不知其義意其爲打頭逆風也
困學紀聞卷二十雜識謂李義山詩作石郵楊文公詩亦作郵
原注來風貯石郵又石郵風惡客心驚郵與尤通呂覽樂成投
之無郵注郵字與尤同文選盧子諒贈劉琨詩眷同尤良注尤
與郵同古字通禮郊特牲郵表暉釋文郵本一作尤皆其證也
又伊世珍瑯嬛記卷中載江湖紀聞有傳聞石氏女嫁爲尤郎
婦云云潛確類書卷二引之此書多出僞撰文復鄙俚殊乖雅
訓馮氏孟亭玉谿生詩箋注黜而不錄良是

颶風也

沈佺期夜泊越州逢北使詩颶風縈海若霹靂耿天吳按丹鉛
總錄詩話類引此詩云颶風蓋指颶風也字書不載今考正字

通風部引沈詩颺音暗颺音余又按颺一作颺駢雅从升菴說
颺颺熱風也

〔玉篇中風部〕颺呼獲切熱風又颺古獲切颺颺赤氣熱風之怪
○廣韻五入聲同惟集韻入聲十第二十一颺字注作颺颺不
倒鬱儀本此

船趕海風也

〔說郛〕第七十四崔寔農家諺船船風雲起旱魃深歡喜〔按〕船
亦作趕蘇軾船趕風詩引吳中梅雨旣過颺然清風彌旬歲歲
如此湖人謂之船趕風是時海舶初回云此風自海上與船俱
至云爾又避暑錄話卷上常歲五六月之間梅雨時必有大風
連晝夕踰旬乃止吳人謂之船趕風以爲風自海外來禱於海
神而得之

颺颺·緒風也。

〔集韻〕上聲六·緒風謂之颺颺。於九力九二切。颺或从劉从𠂔。𠂔，霰廉濺霖霖溟滓小雨也。

〔玉篇〕中雨部。𠂔，丑涉切。𠂔，霰小雨。𠂔，子葉所治二切。〔古今

韻會〕平聲下。𠂔，霰微雨也。通作廉纖。○此作濺未詳。〔詩〕信南

山益之以霖霖。既優既渥。〔傳〕小雨曰霖霖。〔按〕小雨謂之霖霖爾

雅釋天文。墨木二音。滓當作沐。〔太玄經〕卷一。密雨溟沐。潤

于枯瀆。三日射谷。〔司馬光集注〕溟音脉。范曰雨之細者稱溟沐

小宋曰溟沐猶霖沐也。光謂小雨至微也。枯瀆至燥也。積潤不

已三日之後乃至射谷。此言謙道收功之遠。沈氏亮曰集韻

入聲十霰與溟並音莫狄切。溟滓自然氣也。見莊子外篇在宥

釋文及御覽一天部引帝系譜非此義

雲霄。雲。雙。大雨也。

玉篇中雨部霽先立切。雲。霽。大雨也。雲丑立切。

又雙胡郭

切。霽。霽。大雨。又音隻。此作雙。未詳。霽。營。隻切。

涔。涔。霽。久雨也。

說文解字第十一。涔。久雨。涔。涔。也。才私切。又卽夷切。又涔。涔。也。

鈕。箴切。廣雅釋言。霽。霽。霖也。疏證。說文。霽。久雨也。方言。潛。涵。

沈也。沈。謂之涵。亦謂之潛。猶久雨。謂之霽。亦謂之霽也。集韻。

平聲四引。博雅同。胡南鋤。簪二切。

麗。麗。暴雨也。

集韻平聲二。雪。邑俱切。麗。霽。暴雨。霽與霽同。麗音鹿。

鬱。華。日精也。結隣。月精也。

玉海一百六十四宮室。唐鬱儀結隣樓六典作鬱儀結隣閣七。

聖記曰鬱儀

原注一作華

赤文與日同居結隣

原注一作隣

黃文與月同

居鬱

華日精結

隣月精也黃庭經曰鬱儀結隣梁邱子注曰鬱

儀奔日之仙結隣奔月之仙亦見登真隱訣九真中經按海錄

碎事一天部上日門引七聖記作鬱華結隣與駢雅合御覽三

天部日上引七聖記作鬱華結隣雲笈七籤二十三日月星辰

部載奔日月圖作鬱儀結隣黃庭內景經高奔章第二十六鬱

儀結隣善相保梁邱子注隣俱作隣與玉海所引不同竝存備

考

日御義和月御望舒一曰繼阿

廣雅釋天

日御謂之義和月御謂之望舒

疏證楚辭離騷吾令

義和弭節兮王注云義和日御也淮南子天文訓爰止義和爰

息六螭許慎注云日乘車駕以六龍義和御之離騷前望舒使

先驅兮王注云望舒月御也漢書揚雄傳望舒弭轡服虔注亦同
〔文選補亡詩由庚〕纖阿案晷注淮南子曰纖阿月御也
折丹飛廉風師也莽翳號屏雨師也豐隆雲師也

〔山海經大荒東經〕日月所出名曰折丹處東極以出入風注神
人〔箋疏〕按名曰折丹上疑脫有神二字大荒南經有神名曰因
因乎可證北堂書鈔一百五十一卷引此經作有人曰折丹太
平御覽九卷引亦同〔廣雅釋天〕風師謂之飛廉雨師謂之莽
翳雲師謂之豐隆〔文選張協雜詩第十首〕飛廉應南箕豐隆
迎號屏注楚辭曰屏號起雨何以興之王逸曰屏翳雨師名也
號呼也按楚辭天問屏號作萍號據王注號屏非雨師名此作
屏又後人所加字也號呼刀切〔楚辭離騷〕吾令豐隆乘雲兮
王逸注豐隆雲師

光道日道也逡巡月運也

漢書天文志第六曰有中道月有九行中道者黃道一曰光道
丹鉛總錄地理類余舊在京見河圖緯象一書緯侯之流也
專言日月星辰而圖象則缺其文作古字如云邠之隘上爲扶
桑日所升宣陸之阻上爲吳泉月所登吳泉卽虞淵也唐人諱
淵字作泉亦有本矣又營室星一名結蜎之宿月暈謂之逡巡
他書亦不見併識於此按方言十二日運爲躔月運爲逡又躔
逡循也注逡巡升庵之說本此何云他書未見耶鬱儀以月暈
爲月運亦本方言史記天官書第五日暈集解引如淳曰暈讀
曰運開元占經八日占篇四引夏氏曰日暈者運也如淳曰暈
日運也又引方言曰日暈爲躔是月運卽月暈矣又按河圖緯
象開元占經百二十卷內未載其名總錄地理類黃河九曲條

又引作河圖絳象考孫穀古微書三十二採河圖書有絳象而無緯象朱氏經義考越緯二引緯象云或作絳所錄卽黃河九曲條也是曰緯曰絳亦皆據楊氏所載言之耳

日將出曰朏明將午曰禺中晡後曰高春將昏曰懸車日落曰桑榆

〔御覽三天部〕淮南子曰日出於陽谷浴於咸池拂於扶桑是謂晨明登於扶桑之上爰始將行是謂朏明〔注〕扶桑東方之野朏音斐朏明將明也〔按〕今本淮南子天文訓陽谷作暘谷無之上二字注朏明五字下有朏讀若朏諾臯之朏也九字

〔又〕至于曲阿是謂朝明臨于曾泉是謂早食次于桑野是謂晏食臻於衡陽是謂禺中對于昆吾是謂正中〔按〕今本淮南子朝明作旦明早食作蚤食禺中作隅中

〔又〕靡于鳥次是謂小遷至于悲

谷是謂晡時迴于女紀是謂大遷經于隅泉是謂高。脊頓于連石是謂下春。接今本淮南子遷作還晡作舖經于隅泉作至于淵虞注淵虞地名高春時加戌民確春時也。又爰止羲和爰息六螭是謂懸車。接今本淮南子作爰止其女爰息其馬是謂縣車。又薄于虞泉是謂黃昏淪于蒙谷是謂定昏日入崦嵫經細柳入虞泉之池曙于蒙谷之浦日西垂景在樹端謂之桑榆。注言其光在桑榆樹上。接今本淮南子無日西垂以下十一字後漢書馮異傳可謂失之東隅收之桑榆。注前書谷子雲曰太白出西方六十日法當參天今已過期尙在桑榆間桑榆謂晚也。文選王融三月三日曲水詩序桑榆之陰不居。注桑榆日所入也谷子雲說本史記天官書第五文不備錄

側匿仄隱縮朒月朔見也

〔周禮春官保章氏〕掌天星以志星辰日月之變動〔注〕五星有贏縮園角日有薄蝕暈珥月有盈虧朏側匿之變疏按尚書五行傳云晦而月見西方謂之朏朔而月見東方謂之側匿。匿音忒與慝同〔漢書五行志下〕晦而月見西方謂之朏朔而月見東方謂之仄。慝仄慝則侯王其肅朏則侯王其舒〔注〕孟康曰朏者月行疾在前故早見仄慝者行遲在日後當沒而更見〔又〕肅者王侯縮朏不任事臣下弛縱故月行遲也〔注〕服虔曰朏音忸怩之忸師古曰朏音女六反。朏張刻作朏此从舊鈔本埃𠂔日無光也

〔說文解字第七〕埃𠂔日無光也从日能聲奴代切
昧爽昞昕曙也

〔書太甲上〕先王昧爽不顯坐以待旦〔傳〕爽顯皆明也言先王昧

明思大明其德坐以待旦而行之疏昭七年左傳云是以有精爽至於神明從爽以至於明是爽謂未大明也昧是晦冥爽是未明謂夜向晨也又牧誓時甲子昧爽傳昧冥爽明早旦疏冥是夜爽是明夜而未明謂早旦之時蓋鷄鳴後也文選幽通賦吻听寤而仰思兮心矇矓猶未察注韋昭曰吻音昧又音忽曹大家曰吻听晨旦明也

曉曉曉黃日暮也

集韻入聲十曉曉日欲沒即涉力涉二切楚辭九章指嶠

冢之西隈兮與曉黃以為期王逸注曉黃蓋昏時曉一作纁按洪興祖補註本載王注蓋昏時作蓋黃昏時也

曉曉日溫也

廣雅釋詁溫煖燂炳曉曉喝離煖燂煖也疏證曉曉者說文舊

姓無雲暫見也。舊與𦇧同，亦通作晏。說文：晏，天清也。小爾雅：晏，陽也。史記封禪書：至中山，𦇧𦇧續。孝武紀及漢書郊祀志並作晏。溫如淳注云：三輔謂日出清濟爲晏。晏而溫，說文：𦇧，日見也。玉篇音奴，見切。與𦇧同。小雅：角弓篇，見𦇧，曰消毛。傳云：𦇧，口氣也。韓詩作𦇧，𦇧，聿消云。𦇧，𦇧，日出也。荀子：非相篇引詩作晏然。聿消並字異而義同。

昌光歸邪。握譽可錯。持勝履子慶雲也。

又釋天：昌光，握譽可錯。持勝履子，祥氣疏證。後漢書班固傳注引河圖云：昌光出軫五星聚井。太平御覽引符瑞圖云：昌光者，瑞光也。見於天，漢高受命，昌光出軫。晉書天文志云：昌光赤如龍聖人起，帝受終則見。易是類謀云：王察可錯一角九尾，握譽持勝履子，皆未詳。史記天官書第五：如星非星，如雲非雲，命

曰歸。邪歸邪出必有歸國者。〔集解〕李奇曰：邪音蛇。

天衡雲旂滑馬妖雲也。

〔呂氏春秋明理篇〕其雲狀有若犬若馬若白鵠若衆車有其狀若人蒼衣赤首不動其名曰天衡。〔注〕衡物之氣。〔按〕御覽八百七十七作天衡庶物異名疏天部天衡引呂覽高注亦云衡物之氣是衡作衝於義爲長。〔又〕有其狀若懸旂而赤其名曰雲旂。〔注〕雲氣之象旂旗者。〔又〕有其狀若衆馬以闕其名曰滑馬。〔注〕五行傳爲馬妖也。

朝霞正陽淪陰沆瀣并天。午地黃爲六氣。

〔楚辭遠遊〕食六氣而飲沆瀣兮漱正陽而含朝霞。〔王逸注〕陵陽子明經言春食朝霞朝霞者日始欲出赤黃氣也。秋食淪陰淪陰者日沒以後赤黃氣也。冬飲沆瀣沆瀣者北方夜半氣也。夏

食正陽正陽者南方日中氣也并天地𠂔黃之氣是爲六氣洪興祖補注莊子云御六氣之辨李云平旦爲朝霞日中爲正陽日入爲飛泉夜半爲沆瀣天𠂔地黃爲六也按此出莊子內篇逍遙遊釋文引李巡注又按王逸注係據洪興祖補注本所載錄入單行本有脫誤不可从又陸氏莊子音義上載王逸注楚辭所引陵陽子明經朝霞句作朝霞者日欲出時黃氣也又冬飲沆瀣作冬食沆瀣并天地𠂔黃之氣作并天𠂔地黃之氣文選琴賦善注引冬食沆瀣又作夏食沆瀣漢書司馬相如傳應劭注引列仙傳陵陽子竝同

閭虛蝕月氣也

後漢書天文志注張衡靈憲曰當日之衝光常不合者蔽於地也是謂閭虛在星星微月過則食按開元占經一引過作遇王

海一引地作他江氏永曰閭虛卽大地之景舊說生於日者非也

重華攝提歲星也

〔史記天官書第五〕歲星一曰攝提。曰重華。曰應星。曰紀星。執法營惑也。

〔廣雅釋天〕營惑謂之罰星。或謂之執法。〔疏證〕營或作熒。太平御覽引黃石公陰謀秘訣法云營惑者御史之象。主禁令刑罰。天官書正義引天官占云熒惑爲執法之星。地侯鎮星也。

〔又同上〕鎮星謂之地侯。〔疏證〕鎮或作填。開元占經填星占篇引荊州占云填星其行歲填一宿。故名填星。又引石氏云填星一名地侯。天官書同。太平御覽引春秋元命包立地侯。宋均注云

地侯鎮星別名也。按五行大義四論七政地侯作地候。

启明長庚太暳天相太正太白也。

詩大東東有啟明西有長庚。傳日且出謂明星爲啟明日既入謂明星爲長庚。爾雅釋天明星謂之启明。注太白星也晨見東方爲启明昏見西方爲太白。启與啟同。廣雅釋天太白謂

之長庚。或謂之大暳。疏證開元占經太白占篇引石氏云太白

一曰大暳天官書云太白出東方庫近日曰明星高遠日曰大暳各本大暳作太暳因上文太白而誤。按大與太通五行大義

四論七政太亦作大。又引詩長庚作長更。御覽七天部天官

星占曰太白一名天相一名大正。按開元占經四十五太白占

篇引石氏大正作太正五行大義四又作天政竝存備考。

安調伺晨鉤星能星辰星也。

御覽七天部又曰辰星一名安調一名熊星一名鉤星一名伺晨色黃五穀熟。五行大義四晨作農鉤星作鉤歲

分野齊爲𣎵枵天龍吳越爲星紀燕爲析木宋爲大火鄭爲壽星楚爲鶉尾周爲鶉火秦爲鶉首魏爲實沈趙爲大梁魯爲降婁衛爲姬訾

周禮春官保章氏以星土辨九州之地所封封域皆有分星以觀妖祥注星紀吳越也𣎵枵齊也姬訾衛也降婁魯也大梁趙也實沈晉也鶉首秦也鶉火周也鶉尾楚也壽星鄭也大火宋也析木燕也此分野之妖祥主用客星彗孛之氣爲象按魏本晉地故魏爲實沈國語周語星在天龍注天龍次名一曰𣎵枵又我姬氏出自天龍注天龍卽𣎵枵齊之分野也

天闕角也

晉書天文志上二十八舍東方角二星爲天關其間天門也其內天庭也星經上角宿角二星爲天門中間名天關凡日月五星皆從天關行。此作闕未詳

疏廟亢也

史記天官書第五亢爲疏廟主疾索隱元命包云亢四星爲廟廷又文耀鉤爲疏廟宋均以爲疏外也廟或爲朝也

氏亢之間爲天根

爾雅釋天壽星角亢也天根氏也注角亢下繫於氏若木之有根又國語周語天根見而水涸注天根亢氏之間也

房爲明堂爲天駟

史記天官書第五東宮蒼龍房心心爲明堂索隱春秋說題辭云房心爲明堂天王布政之宮又房爲天府曰天駟索隱爾

騶云天駟房也詩汜厯樞云房爲天馬主車駕宋均云房旣近
心爲明堂又別爲天府及天駟也

心爲大火

爾雅釋天天駟房也大辰房心尾也大。火。謂之大辰。注大火心
也在中最明故時候主焉

尾爲九子

史記天官書第五尾爲九子。索隱宋均云屬後宮場故得兼子
子必九者取尾有九星也。開元占經六十東方七宿占篇尾天
子之九子也

箕爲天口。爲天雞

御覽五天部詩汜厯樞曰箕爲天口。主出氣尾爲逃臣賢者叛
十二諸侯列於廷。晉書天文志上箕四星亦曰天津一曰天

雞主八風

斗爲天機

〔晉書天文志上〕南斗六星天廟也。一曰天機。〔星經下〕南斗六星主天子壽命。巫咸氏云：一名天斧，二名天闕，三名天機。

牽牛爲河鼓，爲黃姑。

〔爾雅釋天〕何鼓，謂之牽牛。〔注〕今荆楚人呼牽牛星爲檐鼓。檐者，荷也。〔釋文〕何郭胡可反，又胡多反。一作河漢書天文志第六：牽牛爲犧牲，其北河鼓。〔御覽六天部〕大象列星圖曰：河鼓三星在牽牛北。昔傳牽牛織女七月七日相見者，則此是也。故爾雅云：河鼓謂之牽牛。又古歌曰：東飛伯勞，西飛燕黃姑。織女時相見，其黃姑者，卽河鼓也。爲吳音訛而然。

室爲清廟，爲結罍。

史記天官書第五營室爲清廟曰離宮閣道 結螭見上邊巡
注又古微書二十四詩推度災邠國爲結螭之宿營室之精也
原按陸佃以螭螭入三十六種禽是四種角之類其說本此。
開元占經六十一引地軸占營室一名鯀螭卽螭螭也螭音俞
奎爲天豕

史記天官書第五奎曰封豕爲溝瀆正義奎天之府庫一曰天
豕亦曰封豕主溝瀆又御覽六天部樂汁圖曰奎天豕也

昂爲天耳爲旄頭

晉書天文志上昂七星天之耳 廣雅釋天昂謂之旄頭疏證

天官書云昂曰髦頭天文志髦作旄晉書天文志云昂爲旄頭
昂畢間爲天街天子出旄頭畢以前驅此其義也

星爲天都

晉書天文志上星七星一名天都。亦見史記天官書第五張守節正義

鬼爲天廟

廣雅釋天輿鬼謂之天廟疏證開元占經南方七宿占引南官候云輿鬼者天廟主神祭祀之事

北辰爲天闕

御覽七天部天官星占曰北辰者一名天闕一名北極北極者紫宮太乙坐也。此作闕未詳

北斗爲帝車

史記天官書第五斗爲帝車運于中央

周伯含警景星赤矛格澤天醒瑞星也

晉書天文志中瑞星一曰景星如半月生於晦朔助月爲明或

曰星大而中空或曰有三星在赤方氣與青方氣相連黃星在赤方氣中亦名德星二曰周伯星黃色煌煌然所見之國大昌三曰含譽光耀似彗喜則含譽射四曰格澤如炎火下大上銳色黃白起地而上見則不種而獲有土功有大客按中興天文志載瑞星有十二一曰景星二曰周伯三曰含譽四曰王蓬芮五曰格澤六曰元保七曰昭明八曰昏昌九曰旬始十曰司危十一曰菟昌十二曰地維賊光見通考二百八十一象緯考然元保以下七星晉志未載其昭明司危地維賊光則皆爲妖星不當在瑞星之列馬氏謂當从晉志是也史記天官書第五天精而見景星景星者德星也其狀無常常出於有道之國集解孟康曰精明也御覽七天部帝命驗曰有人雄起戴玉英履赤矛鄭元注曰赤矛瑞星名史記天官書第五格澤星索

隱格澤一音鶴鐸又音格宅格胡客反 庶物異名疏天部天醒景星也孫氏瑞應圖云狀如半月生於晦朔助月爲明王者不私人則見按天醒張氏刊本作天星此从四庫館鈔本錄出與庶物異名疏引合然醒字據漢書天文志第六御覽七天部引瑞應圖皆作暉史記作精通雅十一天文類謂天精卽天晴漢書作姓亦作暉今漢書祇作暉字徐氏說文姓字注云今俗別作晴非是

天格天槍天猗天衡國皇及登天荆眞若蒼彗也

晉書天文志中妖星河圖云歲星之精流爲天格天槍天猗天衡國皇及登蒼彗。沈氏亮曰格史記音蒲講反又音皮韋昭音剖槍楚庚反猗戶八反 及一作反開元占經八十五妖星占篇引河圖曰歲星之精流爲反登。通考二百八十一引同

〔晉書天文志〕中漢京房著風角書有集星章所載妖星皆見於月旁互有五色方雲以五寅日見各有五星所生云天槍天根天荆真若天猿天樓天垣皆歲星所生也見以甲寅其星咸有兩青方在其旁

昭旦蚩尤旗昭明司危天機天陰晉若官張天崔赤若赤彗也

〔晉書天文志〕中河圖云熒惑散爲昭旦蚩尤之旗昭明司危天機赤彗・機韋昭音參差之參〔又風角書〕天陰晉若官張天

惑天崔赤若蚩尤皆熒惑之所生也出在景寅日有兩赤方在其旁。沈氏亮曰丙寅日作景寅者以避唐高祖父諱昞故晉書中凡遇丙字皆以景字代之如泰始二年七月景午朔晦永嘉二年正月景子朔之類 崔一作雀〔開元占經〕八十七妖星占篇天雀出月左方原注在柳宿中。通考二百八十一引風

角書亦作雀不作崔此从晉志

五殘獄漢大賁昭星絀流旬始擊咎天翟天沸黃彗也

〔晉書天文志中〕河圖云鎮星散爲五殘獄漢大賁昭星絀流旬始蚩尤虹蜺擊咎黃彗

〔又風角書〕天上天伐從星天樞天翟

天沸荆彗皆填星所生也出在戊寅日有兩黃方在其旁

天杵天柎伏靈大敗司姦天狗天殘卒起竹彗白彗也

〔又同上〕河圖云太白散爲天杵天柎伏靈大敗司姦天狗天殘

卒起白彗

〔又風角書〕若星帚星若彗竹彗牆星棖星白翟皆

太白之所生也出在庚寅日有兩白方在其旁

枉矢破女拂樞滅寶繞縋驚恐天蒿端下天林黑彗也

〔又同上〕河圖云辰星散爲枉矢破女拂樞滅寶繞縋驚理大奮

祀黑彗

〔按〕天棊以下俱本晉書天文志獨此改驚理作驚恐未

詳通考二百八十一引河圖亦作理不作恐。沈氏亮曰統經之經晉書本作經卷末注云經音庭此作經疑有誤隋書天文志中竝作廷存攷。又風角書天美天髦天社天麻天林天蒿端下皆辰星之所生也出以壬寅日有兩黑方在其旁

地雁天雁頓頑解銜大滑約約流星也。

通考二百八十一象緯四流星中興天文志流星有八一日天使二曰天暉三曰天雁四曰天保五曰地雁六曰梁星七曰營頭八曰天狗。又流星之爲天暉天雁者祥流星夜隕而爲地雁爲梁星者妖。又飛星有五一日天刑二曰降石三曰頓頑四曰解銜五曰大瀆自下而升曰飛飛星之爲天刑者祥自降石以下皆妖。按大瀆當作大滑。晉書天文志中飛星大如缶若甕後皎然白前卑後高此謂頓頑飛星大如缶若甕後皎然白前卑後高此謂頓頑飛星大如缶若甕

滅後白者曲環如車輪此謂解銜飛星大如缶若甕其後皎然
白長數丈星滅後白者化爲雲流下名曰大滑爾雅釋天奔
星爲杓約注流星正義星之奔流者爲杓約言其星光似杓約
然也•杓蒲博步角皮約三反約如字又於詔反又音握
太歲所在甲曰闕逢乙曰旃蒙丙曰柔兆丁曰強圉戊曰著雍己
曰屠維庚曰上章辛曰重光壬曰辛黓癸曰昭陽

爾雅釋天太歲在甲曰闕逢在乙曰旃蒙在丙曰柔兆在丁曰
強圉在戊曰著雍在己曰屠維在庚曰上章在辛曰重光在壬
曰辛黓在癸曰昭陽歲陽正義史記律書云甲者言萬物剖符
甲而出也釋名云甲孚也萬物解孚甲而生也太歲在甲曰闕
逢衆經音義引李巡云萬物鋒芒欲出擁遏未通故曰闕逢律
書作焉逢

又旃蒙正義律書云乙者言萬物生軋軋也釋名

云乙軋也。白抽軋而出也。天文訓云卯在乙曰旃蒙。高誘注萬物過蒙甲而出。律書作端蒙。〔又柔兆正義律書云丙者言陽

氣著明故曰丙。釋名云丙炳也。物生炳然皆著見也。衆經音義引李巡云言萬物皆垂枝布葉故曰柔兆也。孫炎云萬物柔婉有條兆也。律書作游兆。徐廣曰一作游桃。〔又強圉正義律書

云丁者言萬物之丁壯也。故曰丁。釋名云丁壯也。物體皆丁壯也。衆經音義引李巡云言萬物皆剛盛未通故曰強圉。孫炎曰萬物皮孚堅者也。律書作強梧。〔又著雍正義白虎通義云戊

者茂也。釋名云戊茂也。物皆茂盛也。律書作徒惟。〔又屠維正

義白虎通義云己者屈伸起釋名云己紀也。皆有定形可紀識也。天文訓云未在己曰屠維。高誘注屠別維離也。萬物各成其性。律書作祝犁。〔又上章正義律書云庚者言陰氣庚萬物故

日庚釋名云庚猶更也庚堅強意也天文訓云申在庚日上章
高誘注陰氣上升陽氣畢生律書作商橫 又重光正義律書
云辛者言萬物之辛生故曰辛釋名云辛薪也物初新者皆收
成也天文訓云酉在辛曰重光高誘注萬物就成熟其煌煌律
書作昭陽 又辛黠正義律書云壬之爲言壬也言陽氣任養
萬物於下也釋名云壬妊也陰陽交物懷妊也至子而萌也律
書作橫艾 又昭陽正義律書云癸之爲言揆也萬物可揆度
故曰癸釋名云癸揆也揆度而生乃出之也天文訓云子在癸
曰昭陽高誘注陽氣始萌萬物含生律書作上章

子曰困敦丑曰赤奮若寅曰攝提格卯曰單闕辰曰執徐巳曰大
荒落午曰敦牂未曰協洽申曰涇灘酉曰作噩戌曰闌茂亥曰大
淵獻

又同上太歲在寅曰攝提格。在卯曰單閼。在辰曰執徐。在巳曰大荒落。在午曰敦牂。在未曰協洽。在申曰涒灘。在酉曰作噩。在戌曰閹茂。在亥曰大淵獻。在子曰困敦。在丑曰赤奮若。正義律書云子者滋也言萬物滋於下也釋名云子孳也陽氣始萌孳生於下也於易爲坎坎險也索隱引孫炎云困敦混沌也言萬物初萌混沌於黃泉之下也淮南云太陰在子歲名曰困敦高誘注困混敦沌陽氣皆混沌萬物牙孽又赤奮若正義律書云丑紐也言陽氣在上未降萬物厄紐未敢出釋名云丑紐也寒氣自屈紐也於易爲艮艮限也時未可聽物生限止之也索隱引李巡云陽氣奮迅萬物而起無不若其性故曰赤奮若若順也淮南云太陰在丑歲名曰赤奮若高誘注奮起若順也陽奮物而起無不順其性赤陽色律書作汭漢又攝提格正義

律書云寅者萬物始生蟄然也故曰寅釋名云寅演也演生物也史記索隱引李巡云萬物承陽起故曰攝提格。格起也淮南天文訓云太陰在寅歲名曰攝提格。高誘注格起萬物承陽而起。又單闕正義律書云卯之言茂也言萬物茂也釋名云卯冒也載冒土而出也於易爲震二月之時雷始震也索隱引李巡云陽氣推萬物而起故曰單闕。單盡也闕止也淮南云太陰在卯歲名曰單遏。高誘注單盡遏止陽氣推萬物而起陰氣盡止索隱又引孫炎本作蟬焉云蟬猶伸也。又執徐正義律書

云辰者言萬物之蜚也釋名云辰伸也物皆伸舒而出也索隱引李巡云伏蟄之物皆敦舒而出故曰執徐。執蟄徐舒也。又

大荒落正義律書云巳者言陽氣之已盡也釋名曰巳已也陽氣畢布已也於易爲巽巽散也物皆生布散也淮南云太陰在

已曰大荒落。高誘注荒大也。方萬物熾盛而大出霍然落落大布散索隱引姚察之說與高誘同。大荒落律書作大芒駱。天官書作大荒駱。又敦牂正義律書云午者陰陽交故曰午。釋名云午忤也。陰氣從下上與陽相忤逆也。於易爲離離麗也。物皆附麗陽氣以茂也。索隱引孫炎云敦盛牂壯也。言萬物盛壯。

又協洽正義律書云未者言萬物皆成有滋味也。釋名云未昧也。月中則昃向幽昧也。索隱引李巡云陽氣欲化萬物故曰協洽。協和洽合也。淮南云太陰在未歲名曰協洽。高誘注陰欲化萬物和合協洽。律書作叶洽。童子逢盛碑作協給。又涪灘正

義律書云申者言陰用事申賊萬物。釋名云申身也。物皆成其身體使備盛也。衆經音義引李巡云言萬物皆循精氣故曰涪灘。涪單盡也。孫炎云涪灘萬物吐秀傾垂之貌。淮南云太陰在

申曰涖灘高誘注涖大灘修萬物皆修其精氣呂氏春秋十二
紀序意篇云歲在涖灘高誘注涖大也灘循也萬物皆循其情
性也涖灘誇人短舌不能言爲涖灘也魯相韓勅造孔廟禮器
碑作涖歎 又作噩正義律書云酉者萬物之老也釋名云酉
者秀也秀者物皆成也於易爲兌兌說也物皆備足皆喜悅也
噩本或作罍律書作作鄂索隱引李巡云作罍皆物芒枝起之
貌淮南云太陰在酉曰作鄂高誘注作鄂零落也萬物皆墜落
漢書天文志云在酉曰作諮 又闕茂正義律書云戌者言萬
物盡滅故曰戌釋名云戌恤也物當收恤矜恤之也亦言脫也
落也索隱引孫炎云萬物皆蔽冒故曰闕茂茂冒也淮南云太
陰在酉曰掩茂高誘注掩蔽茂冒萬物皆蔽冒闕茂律書作遏
茂 又大淵獻正義律書云亥者該也言陽氣藏於下故該也

釋名云亥核也收藏百物核取其好惡真僞也亦言物成皆堅核也索隱引孫炎云淵深也大獻萬物於深言蓋藏之於外也淮南云太陰在亥曰大淵獻高誘注淵藏獻迎萬物終在亥大
小深藏窟伏以迎陽

焉逢甲也

史記歷書第四焉逢困敦三年索隱焉逢甲也

端蒙乙也

又同上端蒙赤奮若四年索隱端蒙乙也

游兆丙也

又同上游兆攝提格征和元年又見上柔兆注

彊梧丁也

又同上彊梧單閼三年又見上彊圉注

祝犁己也

又同上祝犁大芒落四年又見上屠維注

商橫庚也

又同上商橫敦牂後元元年又見上上章注

橫艾壬也

又同上橫艾涿灘始元元年正西又見上辛黠注

青陽發生春也朱明長贏夏也白藏收成秋也辛英安寧冬也

爾雅釋天春爲青陽注氣清而溫陽又夏爲朱明注氣赤而

光明又秋爲白藏注氣白而收藏又冬爲辛英注氣黑而

清英又春爲發生夏爲長贏秋爲收成冬爲安寧釋文長謝

丁兩反李云萬物各發生長也施直良切贏本或作贏以征反

正月爲端月

〔史記秦楚月表第四〕端月。〔索隱〕二世二年正月也。秦諱正謂之端。

四月爲乏月。

〔御覽〕二十二時序部四時纂要曰四月也是謂乏月。冬穀旣盡宿麥未登宜賑乏絕救飢窮。

十月爲暢月。

〔禮月令〕地氣沮泄是謂發天地之房命之曰暢月。〔按〕呂氏春秋仲冬紀第十一高誘注云陰氣在上民人空閑無所事作故命之曰暢月也。淮南子時則訓注同。

臘之明日爲小歲。

〔御覽〕二十三時序部崔氏四民月令曰臘明日謂小歲進酒尊長修刺賀君師。

朔日爲月額

〔金樓子卷六雜記篇十三下〕余初至荊州卜雨時孟秋之月陽亢日久月旦雖雨俄而便晴有人云諺云兩月額千里赤蓋旱之徵也

朔之次日爲旁死魄

〔書武成〕惟一月壬辰旁死魄。〔傳〕旁近也。月二日死魄。〔疏〕此月辛卯朔朔是死魄故月二日近死魄魄者形也。謂月之輪郭無光之處名魄也。朔後明生而魄死望後明死而魄生。律歷志云死魄朔也。生魄望也。〔顧命〕云惟四月哉生魄。〔傳〕云始生魄。月十六日也。月十六日爲始生魄。是一日爲始死魄。二日近死魄也。〔顧氏〕解死魄與小劉同。大劉以三日爲始死魄。二日爲旁死魄。旁步光反。魄普白反。說文作霸。匹革反。

三日爲哉生明。

又同上。厥四月哉生明。傳哉始也。始生明月三日與死魄互言。既望爲哉生魄。

又康誥。惟三月哉生魄。傳始生魄。月十六日明消而魄生。既望之明日爲既生魄。

又武成。既生魄。傳魄生明死十五日之後。

月晦日爲提日。

公羊傳僖公十六年。是月六鵠退飛過宋都。是月者何。僅逮是月也。何以不日晦日也。釋文。是月如字。或一音徒兮反。按初學記歲時部晦日第四。公羊傳曰。提月六鵠退飛過宋都。提月者何。僅逮是月晦日也。何休注曰。提月邊也。魯人語也。在是月之幾盡所引。與今本全異。據文是當作提。否則是月不必曰魯人。

語逮訛建當改正又鵬冠子王鈇篇家里用提陸佃解云提零日也亦引公羊爲證鬱儀用提日本此

正月一日爲天臘五月五日爲地臘

雲笈七籤三十七齋戒說雜齋法正月一日爲天臘五月五日名地臘七月七日爲道德臘十月一日名民歲臘十二月節日名侯王臘此五臘日並宜修齋

正月十六日爲耗磨

丹鉛總錄時序類正月十六日謂之耗磨日此日必飲酒官司不令開庫而已按唐張說有耗磨日飲詩二首全唐詩又增入一首有春來半月度之語則正月十六爲耗磨日流傳已久惜唐以前無可考耳

冬至爲長至

御覽二十八時序部玉燭寶典云十一月建子周之正月冬至日極南影極長陰陽日月萬物之始律當黃鍾其管最長故有履長之賀又後魏崔浩女儀曰近古婦人常以冬至日上履襪於舅姑踐長至之義也

至後百五日爲寒食

初學記歲時部寒食第五荆楚歲時記曰去冬節一百五日卽有疾風甚雨謂之寒食禁火三日原注按應合在清明前二日亦有去冬至一百六日

清祀嘉平大蜡臘日也

廣雅釋天臘索也夏日清祀殷曰嘉平周曰大蜡秦曰臘疏證蔡邕獨斷云臘者歲終大祭又云夏日嘉平殷曰清祀周曰大蜡漢曰臘風俗通義與獨斷同劉峻注世說引五經要義云夏

曰嘉平殷曰清祀周曰大蜡總謂之臘諸書與廣雅或同或異未知孰是按此以清祀列前蓋从廣雅說蜡與禘蜡並同

右天時

上帝耀魄寶

周禮春官宗伯疏按爾雅云北極謂之北辰鄭注云天皇北辰耀魄寶又云昊天上帝又名太乙常居以其尊大故有數名也其佐五帝曰靈威仰赤熛怒含樞紐白招拒叶光紀

又同上按春秋緯運斗樞云大微宮有五帝座星卽春秋緯文耀鉤云春起青受制其名靈威仰夏起赤受制其名赤熛怒秋起白受制其名白招拒冬起黑受制其名汁光紀季夏六月火受制其名含樞紐又元命包云大微爲天庭五帝以合時此等是五帝之號也廣雅釋天五帝號蒼曰靈威仰赤曰赤熛怒黃

曰含。樞紐。白曰白。昭。矩。黑曰叶。光。紀。疏證薛綜注東京賦引河圖云蒼帝神名靈威仰赤帝神名赤熛怒黃帝神名含樞紐白帝神名白招拒黑帝神名協光紀拒與矩同協與叶同字亦作汁

造化之神曰黔羸

楚辭遠遊召黔羸而見之兮王逸注問造化之神以得失洪興祖補注大人賦云左辛冥而右黔雷注云黔羸也天上造化神名或曰水神史記作含雷黔具炎切按羸王逸注本作羸此從洪氏補注本

八風所生之神條風曰諸稽攝提明庶風曰通視清明風曰赤奮若景風曰共工涼風曰諸比閭闔風曰臯稽不周風曰隅强廣莫風曰窮奇雷電之神曰擊缺一曰勃決

〔淮南子墜形訓〕諸稽攝提條風之所生也〔注〕諸稽攝提天神之名也良爲條風〔又〕通視明庶風之所生也〔注〕通視天神也明庶風震卦之所生也〔又〕赤奮若清明風之所生也〔注〕赤奮若天神也異爲清明風也。又太歲所在丑曰赤奮若〔注〕見上〔又〕其工景風之所生也〔注〕其工天神也人面蛇身離爲景風〔又〕諸比涼風之所生也〔注〕諸比天神也坤爲涼風〔又〕臯稽閭闔風之所生也〔注〕臯稽天神也兌爲閭闔風〔又〕隅強不周風之所生也〔注〕隅強天神也乾爲不周風〔又〕窮奇廣莫風之所生也〔注〕窮奇天神也在北方道足桀兩龍其形如虎坎爲廣莫風〔按〕桀當作桀字與乘同〔古文苑黃香九宮賦〕扶蹕礪而扑雷公標擊缺而拂勃〔注〕皆鬼神名言妖星厲鬼屏除顛仆莫敢干之。擊音營

人之先曰若菌

淮南子墜形訓突生海人海人生若菌若菌生聖人聖人生庶人凡突者生於庶人注突人之先人菌讀羣下之羣

禽之先曰羽嘉

又同上羽嘉生飛龍飛龍生鳳皇鳳皇生鸞鳥鸞鳥生庶鳥凡羽者生於庶鳥注飛龍羽嘉飛蟲之先飛龍有翼

獸之先曰毛犢

又同上毛犢生應龍應龍生建馬建馬生麒麟麒麟生庶獸凡毛者生於庶獸

魚之先曰介鱗

又同上介鱗生蛟龍蛟龍生鯢鯢鯢生建邪建邪生庶魚凡鱗者生於庶魚注介鱗鱗蟲之先蛟龍有鱗甲之龍也

甲蟲之先曰介潭

〔又同上〕介潭生先龍先龍生元龜元龜生靈龜靈龜生庶龜凡介者生於庶龜〔注〕介國也魚之先潭讀譚國之譚〔按〕注有誤字姑從莊氏按本錄之俟攷又按張刻無之先二字此从舊鈔本衆草之先曰程若

〔又同上〕根拔生程若程若生元玉元玉生醴泉醴泉生皇辜皇辜生庶草凡根芟草者生於庶草〔注〕根拔根生之草先也

衆木之先曰日馮

〔又同上〕日馮生陽關陽關生喬如喬如生幹木幹木生庶木凡根拔木者生於庶木〔注〕日馮木之先也〔按〕淮南衆木列衆草上萍藻之先曰海閭

〔又同上〕海閭生屈龍屈龍生容華容華生蓂蓂生萍藻萍藻生

浮草凡浮生不根莢者生於萍藻注海閭浮草之先也屈龍游龍鴻也詩云隰有游龍言屈字之誤

五岳之神泰山圓常龍衡山丹靈峙華山浩鬱狩恒山登僧嵩山軍壽逸羣

御覽八百八十一神鬼部龍魚河圖曰東方大山君神姓圓名常龍南方衡山君神姓丹名靈峙西方華山君神姓浩名鬱狩北方恒山君神姓登名僧中央嵩山君神姓壽名逸羣呼之令人不病。據御覽壽逸羣上無軍字庶物異名疏三十鬼神部引書焦通雅二十一姓名類引河圖竝同惟古微書三十四龍魚河圖載中央嵩山君神姓軍壽名逸羣與駢雅合沈氏亮曰古有常壽二字姓此爲軍壽複姓明矣無功引書焦殊陋

四海之神東曰馮修青南曰視赤西曰勾大邱百北曰禹帳里

又同上。東海君姓馮名修。青夫人姓朱名隱娥。南海君姓視名赤。夫人姓翳名逸。西海君姓勾。大名邱百。夫人姓靈名素。簡北海君姓是名禹。帳里夫人姓結名連翹。河伯公名子。夫人姓馮名夷。通雅二十一。姓名類引禹帳里上無是字。亦不以馮視勾大作姓。古微書作宋隱娥視保赤勾。大邱白禹帳黑餘同。江神曰奇相。

廣雅釋天。河伯謂之馮夷。江神謂之奇相。疏證。史記封禪書索隱引庾仲雍江記云。奇相帝女也。卒爲江神。郭璞江賦奇相得道而宅神。乃協靈爽於湘娥。義本此。

河神曰冰夷。一曰無夷。馮遲馮夷。

山海經海內北經。從極之淵深三百仞。維冰夷。恒都焉。冰夷人面乘兩龍。注。冰夷馮夷也。淮南云。馮夷得道以潛大川。卽河伯。

也穆天子傳所謂河伯無夷者竹書作馮夷字或作冰也按穆天子傳卷一戊寅天子西征鷺行至於陽紆之山河伯無夷之所都居是惟河宗氏注無夷馮夷也山海經云冰夷文選七發六駕蛟龍附從太白注淮南子曰昔馮遲太白之御六雲霓游微霧鷺忽荒許慎曰馮遲太白河伯也莊子內篇大宗師馮夷得之以遊大川釋文司馬云清冷傳曰馮夷華陰潼鄉隄首人也服八石得水仙是爲河伯

淮神曰巫支祁

太平寰宇記十六河南道泗州淮渦神在龜山之下淮陽記按古嶽瀆經云禹治水三至桐柏山乃獲淮渦水神名曰無支祁喜應對言語辨江淮之淺深原隰之遠近形若獼猴縮鼻高額青軀白首金目雪牙頭伸百尺力踰九象搏擊騰踔疾奔輕利

若倏忽間人視之不可久禹授之童律童律不能制授之烏木
田烏木田不能制授之庚辰庚辰能制頸鵝脾柏於是木魅水
靈火妖石怪奔號叢統以千數庚辰以戟逐去遂頸鎖大索鼻
穿金鈴徙淮泗陰鎖龜山之足淮水乃安流注於海原注鵝音
胘按釋史十一禹平水土注引古岳瀆經作巫支祁喜應對作
善應對頸鵝脾柏作鵝脾桓胡木魅水靈火妖石怪作水魅山
靈木妖石怪餘亦互有詳略又引集仙錄禹見雲華夫人其後
鑣淮渦之神無支祇於龜山也御覽八百八十二神鬼部作無
支奇通雅二十一姓名類又言卽毋支所稱名各異所未詳也
波神曰陽侯

廣雅釋水陽侯渦汰波也疏證韓策云塞漏舟而輕陽侯之波
則舟覆矣楚辭九章凌陽侯之汜濫兮王逸注云陽侯大波之

神文選七發注引此無之神二字淮南子覽冥訓武王伐紂渡於孟津陽侯之波逆流而擊高誘注云陽侯陽陵國侯也溺死於水其神能爲大波有所傷害故因謂之陽侯之波應劭注漢書揚雄傳曰陽侯古之諸侯也有罪自投江其神爲大波皆所未詳也濤與澗同

遊光回祿畢方火神也

〔又釋天〕火神謂之游光〔疏證〕東京賦熿野仲而熾游光薛綜注云野仲游光惡鬼也兄弟八人常在人間作怪害馬融廣成頌云捎罔兩拂游光游或作遊法苑珠林六道篇引王子云木精爲遊光諸說與廣雅異又通雅二十一姓名類引風俗通以游光爲厲鬼名今風俗通無此語〔國語周語〕昔夏之興也祝融降於崇山其亡也回祿信於聆隧〔注〕回祿火神〔文選東京賦〕

八靈爲之震懼。況魃、蜚與畢方。薛綜注：畢方，老父神，如鳥兩足，一翼，常銜火在人家作怪災也。畢一作必。法苑珠林審察篇引白澤圖云：火之精名曰必方，狀如鳥一足，以其名呼之，則去。

廣雅釋天作木神，謂之畢方，與諸說異。此从薛綜說。

清明金神也。

廣雅釋天：金神謂之清明。按：法苑珠林六道篇引王子云：金精爲清明，與廣雅合。

沐腫罔象水神也。

國語魯語：季桓子穿井，獲如土缶，其中有羊焉。使問之仲尼曰：「吾穿井而獲狗，何也？」對曰：「以邱之所聞，羊也。邱聞之，木石之怪曰夔、蜺、罔象，水之怪曰龍、罔象。土之怪曰墳羊。」注：或云罔象，食人一名沐腫。按：後漢書禮儀志中劉昭注補罔象一名沐腫，集韻

平聲三作脛注沐脛罔象別名澄延切

廣雅釋天水神謂之

罔象疏證淮南子汜論訓山出鳴陽水生罔象高誘注云罔象水之精也法苑珠林六道篇引夏鼎志云罔象如三歲兒赤目黑色大耳長臂赤爪索縛則可得食張衡東京賦作罔像與罔象同

彭侯雲陽木精也

御覽八百八十六妖異部白澤圖曰木之精名彭侯狀如黑狗無尾可烹而食之按侯侯字異必有一誤通雅二十一姓名類引白澤圖木精曰樟侯原注卽異苑陸敬叔所言之彭侯今津逮秘書所刊劉敬叔異苑十卷內無彭侯字僅第六卷有鬼附蠻兵言事有驗或云是老鼠所作名曰靈侯一條亦不作木精解抱朴子內篇登涉第十七山中有大樹有能語者非樹能

語也其精名曰雲陽呼之則吉

獐羊賈詘土精也

〔淮南子汜論訓〕山出梟陽水生罔象木生畢方并生墳羊。〔注〕土之精也。〔廣雅釋天〕土神謂之獐羊。○墳與獐通。〔御覽八百八十六妖異部〕白澤圖曰千載木其中有蟲名曰賈詘狀如豚食之如狗肉味。〔按〕賈詘木蟲此作土精未知何本

超空

如兒獨足

金累

如人九尺

揮父

如鼓一足

山之精也

一

〔御覽八百八十六妖異部〕抱朴子曰山之精形如小兒而獨足足向後喜來犯人人入山谷聞其音聲笑語其名曰蛟知而呼之卽不敢犯人一名曰超空亦可兼呼之。〔又有山精或如鼓色赤一足其名曰揮又或如人長九寸衣裳帶笠名曰金累又或如龍而五色赤角名曰飛龍見之皆以其名呼之不敢爲害

〔按〕九寸今抱朴子作九尺又按揮字抱朴子內篇卷十七作暉
通雅二十一引作揮俱係單名以揮字斷句此衍又字蓋因下
文又或如人又字誤寫遂連上作駢語耳
天吳馬銜海中神也。

〔山海經海外東經〕朝陽之谷神曰天吳是爲水伯在重重北兩
水間其爲獸也八首人面八足八尾皆青黃又大荒東經有神
人八首人面虎身十尾名曰天吳。〔箋疏〕初學記六卷引此經作
十八尾誤也。〔文選海賦〕則有海童邀路馬銜當蹊。〔注〕陸綬海
賦圖云馬銜其狀馬首一角而龍形。

陪阿。鮭。蟹。洑。陽。彷徨四野之神也。

〔莊子外篇達生〕東北方之下者倍阿。鮭。蟹。躍之西北方之下者
則洑。陽。處之水有罔象。邱有岑山有夔野有彷徨。澤有委蛇。〔釋〕

文倍音裴。鮠本亦作蛙。蟹音蟬。又音龍。司馬云倍阿神名也。鮠龍狀如小兒，長一尺四寸，黑衣赤幘，大冠帶劒，持戟。洪音逸。司馬云洪陽豹頭馬尾，一作狗頭。一云神名也。方音傍。本亦作仿。同。皇本亦作徨。同。司馬云方皇狀如蛇兩頭，五采文。按今所行嘉靖刻本莊子注釋文倍作陪。

藻兼八九寸如老翁水木精也。

述異記卷下：漢武宴於未央宮，忽聞人語云：「老臣負自訴不見其形，良久見架上一老翁，長八九寸，面皺鬚白，拄杖僂步至前。」帝問曰：「叟何姓名？所訴者何？」翁緣柱放杖叩頭，不言。因仰視屋，俯視帝，腳忽不見。帝駭懼，問東方朔，朔曰：「其名爲藻兼，水木之精也。陛下頃來頻興宮室，斬伐其居，故來訴耳。」仰頭看屋而後視陛下，腳足者，願陛下宮室足於此，不欲更造。帝乃息役。

故室之精曰傒龍。

冠幘如小兒

曰兩貴。

如赤狗

曰揮文。

〔御覽八百八十六妖異部〕白澤圖曰：室之精名傒龍。如小兒，長一尺四寸，衣黑衣，赤幘，大冠，帶劍，持戟，以其名呼之，即去。〔按〕據此文，則傒龍即上鮭蜃，惟彼作四野之神，此作室精，稍異耳。

〔又〕故臺屋之精名兩貴。狀如赤狗，以其名呼之，使人目明。〔又〕

故宅之精名揮文。又曰：山鬼，其狀如蛇，一身兩頭，五采文，以其名呼之，可使取金銀。

故市之精曰毛門。

如困無手足

〔又同上〕故市精名曰毛門。其狀如困，無手足，以名呼之，即去。

故道之精曰作器。

如丈夫

〔又同上〕道之精名作器。狀如丈夫，善眩人，以其名呼之，則去。

故池牧之精曰髡頭。

如牛頭

又同上故牧獎池之精名曰髭頰狀如牛無頭見人則逐人以其名呼之則去

故廁之精曰依倚

又同上廁之精名曰依倚青衣持白杖知其名呼之者除不知其名死

美玉之精曰委然

如美女

藝文類聚八十三寶玉部白澤圖曰玉之精名曰委然如美女衣青衣見之以桃戈刺之而呼其名則可得也夜行見女戴燭入石石中有玉也

三軍之精曰賓滿

御覽八百八十六妖異部白澤圖曰三軍所載精名曰賓滿狀如人頭無身赤目見人則轉以其名呼之即去

陰陽變化之精曰岱委。

〔又同上〕曰陰陽變化之精名岱委。其狀如生王所美女衣青衣。見之以桃戈刺之而呼其名則得。

髮神壽長耳神嬌女目神珠映鼻神勇盧齒神丹朱。

〔又八百八十一神鬼部〕龍魚河圖曰髮神名壽長耳神名嬌女目神名珠映鼻神名勇盧齒神名丹朱夜臥呼之有患亦便呼之九過惡鬼自却。珠古微書三十四作朱映張刻作暎存按粟之神曰許給豆之神曰靈殖黍之神曰倂佞。

〔又八百四十百穀部〕春秋佐助期曰粟神名許給姓慶天〔按七緯春秋緯引此條慶天作慶夫古微書十二引作庸天〕〔又八

百四十一百穀部〕春秋佐助期曰豆神名靈殖姓樂〔按七緯引此條樂作藥又初學記草部五穀事對注引春秋佐助期曰豆

神爲靈趙長七尺大目通於時節

又八百四十二百穀部春

秋佐助期曰黍神名倂倂倂倂蘭郝倂倂按古微書十二引此條倂倂作倂

• 倂音舟

曲張弓神也

藝文類聚六十軍器部龍魚河圖曰弓之神名曰曲張

推亡遠望弩神也

御覽三百四十七兵部春秋佐助期曰天弓主司弓弩之神名

推亡按古微書十二引此條云天弓主弓弩之張神名推亡

藝文類聚六十軍器部太公兵法曰弩之神名遠望•望武方

切

續長箭神也

藝文類聚六十軍器部太公兵法曰箭之神名續長

脫光刀神也。

又同上刀子之神名曰脫光。

飛揚劍神也。

〔御覽三百四十四兵部〕龍魚河圖曰劍神名飛揚。

狂章斧神也。

〔又七百六十三器物部〕龍魚河圖曰斧神名狂章。

馮耳孟公船神也。

〔北戶錄雞骨卜條〕按梁簡文帝船神記云船神名馮耳。五行書

云下船三拜三呼其名除百忌又呼爲孟公孟姥。

甲作腓胃雄伯騰簡攬諸伯奇強梁祖明寄生委隨錯斷窮奇騰
根赤郭黃父漸耳食鬼之神也。

〔後漢書禮儀志中〕甲作食殍胃食虎雄伯食魅騰簡食不祥。

攬諸食咎伯奇。食夢強梁祖明。共食磔死寄生。委隨食觀錯斷。
食巨窮奇。騰根共食蠱。殆古文凶字。漢書藝文志第十星事。
殆悍注。殆讀與凶同。肺芳廢反。詩大雅桑柔。自有肺腸。釋文肺。
本又作腓。赤郭黃父見卷三。釋名稱注。又按黃父鬼事諸書。
所載不一。劉敬叔異苑卷六載黃州治下有黃父鬼爲祟。又郭。
慶之婢採薇與黃父鬼通。錢曾讀書敏求記卷三載龔慶宣劉。
涓子鬼道方序云。得之黃父鬼。以上所說皆非。食鬼之神。茲不。
悉錄。〔酉陽雜俎續集卷四〕俗好於門上畫虎頭。書聾字。謂陰。
刀鬼可息疫癘也。予讀漢舊儀說。讎逐疫鬼。又立桃人。葦索滄。
耳虎等。聾合爲滄耳也。〔通雅〕二十一姓名類。張續宣室志曰。裴。
漸隱伊上李道士曰。當今制鬼無如漸耳。時朝士書聾於門。
今稗海所刊宣室志十卷。並補遺內。俱無此文。續作讀聾音積。

狡猾踐裂。札揭結梗。略獵列。蛸肩屈梁。黨巷。塘螟。猛諸。繫毅。魅
虛。魍兩方良。諸渠。茗蕘。藥魍。藥魍列。蹙羯孽。猶狂委蛇。耕父野仲。
語忘敬遺。皆鬼名也。

古文苑黃香九宮賦。龍狡猾而蹴踐。裂走札。揭而獠枯梗。櫟略
獵而突列。蛸槁肩屈而却梁。黨叱巷。塘而觸螟。魍注皆鬼神名。

●狡古巧切。猾戶八切。踐慈演切。裂良薛切。札側八切。揭居竭
切。獠枯梗注云一作縹結。便獵居縛切。蛸音梢。肩字影。宋本作
律。塘音唐。螟音冥。魍徒典待鼎二切。又王延壽夢賦。爾乃揮

手振拳。雷發電舒。斲游光。斬猛猪。批繫。毅斫魅。虛捎魍。魍拂諸
渠。撞縱目打三顧。撲茗蕘。扶夔。魍搏。睨睨。蹴睢。肝剖列。蹙。掣羯
孽。剿尖阜。踏赤舌。挈僇。耗揮髯。鬚注自游光而下至髯鬚皆鬼
物名。猪與諸古通用。繫章氏注本作繫。注云繫一作狒。字本

作𧈧父沸反狒狒怪獸狀似人沈氏亮曰狒字廣韻四去聲作
𧈧𧈧狒三形集韻去聲七作𧈧狒𧈧𧈧𧈧五形廣韻引說文作
𧈧爾雅作狒又載𧈧狒字云竝上同集韻引說文爾雅竝作𧈧
云从公象形或作狒𧈧𧈧𧈧是作𧈧者非作𧈧作𧈧者亦非文
選吳都賦云𧈧𧈧笑而被格𧈧字𧈧字似當以从𧈧爲正𧈧音
未詳𧈧居月切𧈧居竭切

〔又魅虛注〕

說文魅老精物也音媚

虛耗鬼也

〔又茗蕘注〕

一作魍魎玉篇魍魎輕爲害之鬼。茗

與魍魎音迢蕘音如昭切魍音楚交切又音鋤交士絞二切

音未詳

〔又夔魍注〕

東京賦作夔魍。魍音劬

〔文選東京賦〕

捐魍魎。斬獠狂。斬蛟蛇。腦方良。囚耕父於清泠。溺女魍於神潢。
殘夔魍與罔象。殪野仲而殲游光。〔薛綜注〕方良草澤之神也。腦
陷其頭也。〔又夔魍薛綜注〕夔木石之怪如龍有角鱗甲光如

日月見則其邑大旱說文曰魑耗鬼也。魑音虛。又獠狂薛綜注獠狂惡戾之鬼名。獠其筆反。又委蚺注莊子螭蛇之狀其大若轂其長若轅紫衣而朱冠也。後漢書禮儀志注引東京賦與今本莊子俱作委蛇。紆危以支二反。蚺俗蛇字。又耕父注山海經曰有神耕父處豐山常游清冷之淵出入有光野仲詳上游光火神注。酉陽雜俎卷十四語忘敬遺二鬼名婦人臨產呼之不害人長三寸三分上下烏衣。

鬼火爲轉燐。

列子天瑞篇馬血之爲轉燐也。注說文作燐又作燐皆鬼火也。按說文解字第十从炎舛良刃切廣韻一上平聲力珍切又力刃切燐同。

祭天曰燔柴。地曰瘞埋。山曰虔縣。川曰浮沈。

爾雅釋天祭天曰燔柴注既祭積薪燒之釋文燔音煩猶焚也

柴仕皆反說文作崇云燒柴燎祭天也又祭地曰瘞注既

祭埋藏之釋文瘞於例於計二反注音埋。集韻平聲二種或

作狸埋注音靈又祭山曰瘞注或瘞或縣置之於山山海經

曰縣以吉玉是也釋文瘞本或作皮又作歧同居委居偽二反

縣音孚。皮張刻作瘞未詳又祭川曰浮注投祭水中或

浮或沉釋文沈直今切

祭祀之壇天曰泰壇一曰圓丘地曰泰折一曰方澤四時曰泰昭

日曰王宮月曰夜明星曰幽宗寒暑曰坎壇

禮祭法燔柴於泰壇祭天也瘞埋於泰折祭地也注壇折封土

爲祭處也壇之言坦也坦明貌也折昭哲也必爲昭明之名尊

神也周禮春官大司樂冬日至於地上之圜丘奏之注祭天

園丘〔疏〕爾雅土之高者曰丘園者象天

〔廣雅釋天〕園丘大壇

祭天也方澤大折祭地也〔疏〕證周官大司樂云冬日至於地上

之園丘奏之若樂六變則天神皆降可得而禮矣夏日至於澤

中之方丘奏之若樂八變則地示皆出可得而禮矣〔禮祭法〕

埋少牢於泰昭祭時也相近於坎壇祭寒暑也王宮祭日也夜

明祭月也幽宗祭星也〔注〕昭明也亦謂壇也時四時也亦謂陰

陽之神也埋之者陰陽出入於地中也〔疏〕埋少牢於泰昭祭時

也者謂祭四時陰陽之神也泰昭壇名也〔又疏〕王宮祭日也

者王君也宮亦壇也營城如宮也日神尊故其壇曰君宮也

〔又疏〕夜明者祭月壇名也月明於夜故謂其壇為夜明也〔又〕

〔疏〕幽宗祭星也者祭星壇名也幽闇也宗當為縢縢壇域也星

至夜而出故曰幽也為營域而祭之故曰幽祭也〔又疏〕相近

於坎壇祭寒暑也者相近當爲禳祈禳卻也寒暑之氣應退而不退則祭禳卻之令退也祈求也寒暑之氣應至而不至則祭求之令至也寒則於坎寒陰也暑則於壇暑陽也

駢雅卷五下

訓纂十一

明 朱謀瑋 鬱儀

龍巖魏茂林學

釋地

大九州東南神州曰農土正南次州曰沃土西南戎州曰滔土正西弇州曰并土正中冀州曰中土西北台州曰肥土正北濟州曰成土東北薄州曰隱土正東陽州曰申土

淮南子墜形訓何謂九州東南神州曰農土注東南辰爲農祥后稷之所經緯也故曰農土又正南次州曰沃土注沃盛也五月建午稼穡盛張故曰沃土也又西南戎州曰滔土注滔大也七月建申五穀成大故曰滔土也又正西弇州曰并土注并猶成也八月建酉百穀成熟故曰并土也又正中冀州曰中土注冀大也四方之主故曰中土也又西北台州曰肥

土。正北沛州曰成土。注未聞。玉篇中水部沛子禮切水名今作濟。又東北薄州曰隱土。注薄猶平也。氣所隱藏故曰隱土也。又正東陽州曰申土。注申復也。陰氣盡於北陽氣復起東北故曰申土。大九州見周禮職方氏疏及通雅十七地輿類九山會稽泰山王屋首山大華岐山太行羊腸孟門也。

又同上何謂九山會稽泰山王屋首山大華岐山太行羊腸孟門。注會稽山在會稽郡泰山今在太山郡是爲東嶽王屋山在今河東垣縣東北沁水所出也首山在蒲坂縣南河曲之中伯夷所隱太華今宏農華陰山也是爲西嶽岐山今扶風美陽縣北周家所邑也太行在今上黨太行關直河內野王縣是也羊腸山名也說苑曰桀之居左河沛右太華伊闕在其南羊腸在其北今太原晉陽西北九十里通河西上郡關曰羊腸坂是孟

門太行之限也。亦見呂氏春秋卷十三有始覽大與太通本
今作太

九澤具區雲夢圃田望諸大野弦蒲獫狝養楊紆昭余祁也

周禮夏官職方氏東南曰揚州其山鎮曰會稽其澤藪曰具區
〔注〕具區五湖在吳南〔釋文〕區起俱反〔又〕正南曰荊州其山鎮

曰衡山其澤藪曰雲薈〔注〕雲薈在華容〔釋文〕薈亡貢反劉亡鳳

反李一音亡雄反〔按〕晉據賈疏卽書雲土夢作父之夢爾雅釋

地淮南子墜形訓說文艸部藪字下言九州之藪竝作雲夢與

禹貢同〔又〕河南曰豫州其山鎮曰華山其澤藪曰圃田〔注〕圃

田在中牟〔釋文〕圃布古反〔又〕正東曰青州其山鎮曰沂山其

澤藪曰望諸〔注〕望諸明都也在睢陽〔釋文〕明都禹貢作孟豬今

依書讀爾雅釋地宋有孟諸正義此釋徐州之藪也殷之徐州

於周爲青州故職方青州曰其澤藪曰望。諸青州侵夏豫州之地故禹貢豫州曰被孟。諸史記夏本紀作明都鄭注職方云望都明都也。詩譜作明豬左傳作孟諸與爾雅同元和郡縣志孟諸澤俗號盟諸澤孟望明盟諸都皆聲之轉。周禮夏官職方

氏河東曰兖州其山鎮曰岱山其澤藪曰大野。注大野在鉅野

釋文野如字劉音與。又正西曰雍州其山鎮曰嶽山其澤藪

曰苾蒲。注苾蒲在汧鄭司農云苳或爲汧蒲或爲浦。按勘記

漢讀考云說文宋本李燾本汲古閣未改本皆作苳圃。又東

北曰幽州其山鎮曰醫無閭其澤藪曰羆養。注羆養在長廣杜

子春讀羆爲美釋文音兮。又河內曰冀州其山鎮曰霍山其

澤藪曰楊紆。注楊紆所在未聞釋文紆於于反按紆與紆同據

集韻平聲二于卽亏之省文也說文解字五作亏字或从夸爾

雅釋地秦有楊陟釋文陟孫於于反淮南子墜形訓作陽紆呂氏春秋有始覽作陽華高氏兩注與郭注爾雅所指之地說各不同正義謂周禮冀州之藪而爾雅屬於秦則楊陟當在冀雍之間作在華陰者爲近之蓋從高氏注呂覽說也又正北曰并州其山鎮曰恒山其澤藪曰昭餘注昭餘所在鄆釋文鄆徐於據反縣名屬太原劉烏古反。爾雅釋地作昭余祁呂氏春秋有始覽作燕之大昭淮南子墜形訓作燕之昭余余與餘通祈與祁通

九塞太汾澠阨荆阮方城穀阪井陘令疵句注居庸也

淮南子墜形訓何謂九塞曰太汾澠阨荆阮方城穀阪井陘令疵句注居庸注太汾在晉澠阨今宏農澠池是也荆阮方城皆在楚穀阪宏農郡澠池穀欽吟是也井陘在常山通太原關是

也令疵在遼西句注在鴈門陰館句注是也居庸在上谷沮陽之東通渾都關是也。亦見呂氏春秋有始覽太汾作大汾渾阨作冥阨穀下無阪字畢氏沅校正淮南注云令疵在遼西則卽是令支乃齊桓所刺者汾音潰渾音混亦作颺阪音反又音版陘音形令音鈴又音郎定反疵音慈又音祗讀若支句音俱又音鉤

九河徒駭太史馬頰覆釜胡蘇鉤盤鬲津簡河潔河也

爾雅釋水徒駭太史馬頰覆釜胡蘇簡絜鉤般鬲津九河注徒駭今在成平縣義所未聞釋文李云禹疏九河以徒衆起故曰徒駭孫云禹疏九河此河功難衆懼不成故曰徒駭又太史注今所在未詳釋文李孫云禹大使徒衆於此通水故曰太史或云太史者史官記事之處大謝音泰孫如字本今作太正義

導河書云太史在德州安德縣東南經滄州臨津縣西

〔又馬

頰注〕河勢上廣下狹狀如馬頰〔釋文〕引李孫注同〔正義〕通典云

馬頰在平原郡界元和郡縣志云德州安德縣馬頰河在縣南

五十里平昌縣馬頰河在縣南十里

〔又覆金注〕水中可居住

往而有狀如覆金〔釋文〕作鬴郭云古金字〔正義〕通典云覆金在

平原郡界導河書云覆金在永靜軍阜城縣東經東光縣西北

〔又胡蘇注〕東莞縣今有胡蘇亭其義未詳〔疏案〕胡蘇在東光

注在東莞當作光字之誤也〔釋文〕李云其水下流故曰胡蘇

胡下蘇流也孫云水流多散胡蘇然也

〔又鉤盤注〕水曲如鉤

流盤桓也〔釋文〕作般步干反李本作股云水曲如鉤折如人股

故曰鉤股孫郭同云水曲如鉤流盤桓不直前也〔正義〕通典云

鉤盤在景城郡元和郡縣志棣州陽信縣鉤盤河經縣北四十

里太平寰宇記滄州樂陵縣鉤盤河在縣東南五十里

〔又〕

〔又〕〔高〕津注水多阨狹可隔以爲津而橫渡正義漢書地理志平原郡

〔高〕縣平當以爲〔高〕津〔高〕縣故城在今德州北・〔高〕音革

〔又〕

〔又〕〔河〕注水道簡易釋文李孫並云河水深而簡大也正義詩疏引

孫炎云簡者水通易也史記正義云簡在貝州歷亭縣界

〔又〕

〔又〕〔潔〕河注水多約絜釋文李云河水多山石之苦故曰絜絜苦也

○〔潔〕禹貢爾雅與釋文俱作絜戶結反又音結正義輿地廣記

云簡潔在臨津金志地理志南皮縣有〔潔〕河

八殞東北大澤無通正東大渚少海東南具區元澤南方大夢浩

澤西南渚資丹澤正西九區泉澤西北大夏海澤正北大冥寒澤

〔淮南子墜形訓〕九州之大純方千里九州之外乃有八殞亦方

千里注殞猶遠也殞讀允嗣之允

〔又〕自東北方曰大澤曰無

通注大澤無通皆藪名也

又東方曰大渚曰少海注水中可

居者曰渚東方多水故曰少海亦澤名也

又東南方曰具區

曰元澤

注元讀常山人謂伯爲亢之亢也按此注殊不易解莊

氏達吉謂古讀元爲兀故說文解字元從一從兀爲聲古聲兀
亢相同也高郵王氏讀書雜誌九之四曰元澤當爲亢澤字之
誤也亢與沆同水經巨馬河注曰督亢溝水東逕督亢澤風俗
通曰沆潏也言平望潏潏無崖際也是沆亢古字通說文曰沆
莽沆大水一曰大澤此言亢澤亦取大澤之義初學記地部上
太平御覽地部一引此並作沆澤是其證也高注常山人謂伯
爲亢亢亦亢字之誤伯古阡陌字也管子四時篇曰修封疆正
千伯史記酷吏傳置伯格長徐廣曰街陌屯落皆設督長也又
漢書食貨志地理志阡陌字並作仟伯亢與阡同廣雅曰阡陌

道也釋名曰鹿兔之道曰亢行不由正亢陌山谷草野而過也是眈亢古字通說文曰趙魏謂伯爲眈漢之常山郡戰國時趙地也此云常山人謂伯爲亢正與說文相合沆眈古同聲而並通作亢故曰亢讀常山人謂伯爲亢之亢又南方曰大夢曰浩澤注夢雲夢也浩亦大也又西南方曰渚資曰丹澤注蓋近丹水因其名故曰丹澤也又西方曰九區曰泉澤又西方曰大夏曰海澤又北方曰大冥曰寒澤注北方多寒冰故曰寒澤也

八紘東北和邱荒土正東棘林桑野東南大窮衆安正南都廣反戶西南焦僥炎土正西金邱沃野西北一目少廣北方積冰委羽又同上八殞之外而有八紘亦方千里注紘維也維絡天地而爲之表故曰紘也又白東北方曰和邱曰荒土注鳳所自歌

鸞所自舞名曰和邱曰荒土也。鳳所自歌八字出山海經

〔又〕東方曰棘林曰桑野 衆安當作衆女〔又〕東南方曰大窮曰

衆女〔接〕太平御覽地部一衆女下有注云民少男多女也〔又〕

南方曰都廣曰反戶〔注〕都廣國名也山在此國因復曰都廣山

言其在鄉日之南皆爲北鄉戶故反其戶也〔又〕西南方曰焦

僥曰炎土〔注〕焦僥短人之國也長不滿三尺。焦一作僬卽消

切僥五聊切音堯餘見上卷三短小人也僬僥〔注〕又西方曰

金邱曰沃野〔注〕西方金位也因爲金邱沃猶白也西方白故曰

沃野〔又〕西北方曰一目曰沙所〔注〕國人一目在面中央沙所

蓋流沙所出也一曰澤名也又莊子內篇大宗師西王母得之

坐乎少廣〔釋文〕少廣司馬云穴名崔云山名或西方空界之名

淮南子墜形訓北方曰積冰曰委羽〔注〕北方寒冰所積因以

爲名委羽山名在北極之陰不見日也

八極東曰泰遠曰開梧西曰邠國曰壽靡南曰濮鈇曰多顓北曰祝栗曰儋耳東南曰波母西南曰編駒東北曰方土西北曰不周
爾雅釋地東至於泰遠西至於邠國南至於濮鈇北至於祝栗
注皆四方極遠之國釋文泰音太正義大戴禮記千乘篇東辟之民至于大遠有不火食者矣是泰遠者因其爲遠國而名之也
又邠國釋文本或作幽字同彼貧反說文作汎字音同正義說文引爾雅作西至汎國釋云汎西極之水也又濮鈇釋文濮音卜鈇悅全反正義逸周書王會篇伊尹爲四方令曰正南百濮左氏文十六年傳云百濮離居劉伯莊史記地名云濮在楚西南是也
又祝栗釋文祝章六反又昌六反正義祝栗卽涿鹿之轉聲太史公黃帝本紀所謂邑於涿鹿之阿也
呂

氏春秋任數篇東至開梧西服壽靡南撫多顓北懷僖耳注開梧東極之國又壽靡注西極之國靡亦作麻按畢氏沆校正大荒西經作南服壽麻南字訛注亦引作麻前漢地理志第八上益州郡收靡注李奇曰靡音麻靡麻一聲之轉又多顓注南極之國顓與癭同於郢切集韻上聲六癭或从肉从頁畢氏沆校正顓意林作鷄又僖耳注北極之國畢氏沆校正僖都甘切音擔大荒西經作闕耳淮南子墜形訓八紘之外乃有八極自東北方曰方土之山曰蒼門注東北木將用事青之始也故曰蒼門又東南方曰波母之山曰陽門注東南月建在巳純陽用事故曰陽門又西南方曰緡駒之山曰白門注西南月建在申金氣之始也金氣白故曰白門又西北方曰不周之山曰幽都之門注幽閭也都聚也元冥將始用事順

陰而聚故曰幽都之門

四荒東日下。西西王母。南北戶。北觚竹。

爾雅釋地觚竹。北戶。西王母。日下。謂之四荒。注觚竹在北。北戶

在南。西王母在西。日下在東。皆四方昏荒之國。次四極者。又

日下正義。堯典云宅嵎夷。曰暘谷。史記正義云青州嵎夷之地。

日所出處。名曰陽明之谷。故云日下在東。按郝氏義疏。謂嵎夷

雖在東表。然是賓日之地。而無日下之名。鄭樵以爲卽今日本

國也。林謂高氏淮南汜論訓注丹穴南方。當日下之地。丹穴日

下。皆東南之國也。移以釋此。似較有依據。又西王母釋文。西

王母是西方昏荒國名。又曰西王母。神名。狀如人。虎齒。豹尾。蓬

頭。戴勝。善處穴。宿。周穆王巡狩至崑崙山。見之。西王母亦來賓

昭宮。見出竹書及穆天子傳。正義大戴禮記少閒篇。西王母獻

其玉瑄盧辨注漢明帝時於舜廟下得玉瑄一枝是西王母之國舜時嘗通中國矣淮南地形訓云西王母在流沙之瀕漢地理志金城縣臨羌縣西北至塞外有西王母石室故注云西王母在西山海經穆天子傳所載西王母事郭注所不取也 又北戶正義史記虞舜紀云南撫交趾北發索隱云北發當云北戶南方有地名北戶高誘淮南注云日在其北故北戶吳都賦云開北戶以向日顏師古漢書注日南郡在日之南所謂開北戶以向日者 又觚竹釋文觚姜胡反本又作孤同正義齊語云北伐山戎刺令支斬孤竹韋昭注二國山戎之與也漢書地理志遼西郡令支縣有孤竹城是觚竹在北也

日所出曰太平所入曰大蒙南戴日曰丹穴北戴斗曰空桐

又同上距齊州以南戴日爲丹穴北戴斗極爲空桐東至日所

出爲太。平西至日所入爲大蒙。注距去也齊中也戴值又大蒙
注卽蒙汜也

羣土之長爲五粟其次五沃次五位次五隱次五壤次五浮種植
無不宜也

管子地員第五十八羣土之長是惟五粟五粟之物或赤或青
或白或黑或黃五粟五章五粟之狀淖而不朋剛而不穀不淖
車輪不汚手足。注朋如振切堅也又注穀薄淖泥。按依注朋當
爲朋穀當爲穀字之誤也。又粟土之次曰五沃五沃之物或
赤或青或黃或白或黑五沃五物各有異則五沃之狀剽忒橐
土蟲易全處忒剽不白下乃以澤。注剽堅也忒密也橐土謂其
土多竅穴若橐多竅故蟲處之易全既堅密故常潤濕而不乾
白此乃葆澤之地也。又沃土之次曰五位五位之物五色襍

英各有異章五位之狀不塌不灰青悉以落及注塌謂堅不相著又落音苔謂色青而細密和落以相及也按高郵王氏讀書雜志五管子第九地員篇謂落與灰爲韻及字蓋衍文耳下文云五隱之狀黑土黑落云云亦以落灰爲韻又位土之次曰五隱五隱之狀黑土黑落青林以肥芬然若灰注落地衣也芬然壤起貌按讀書雜志五之九引管子地員文隱字俱作隱與駢雅合淮南子墜形訓說大九州亦有隱土之名見上九土注此隱字似亦當作隱集韻上聲五隱音倚謹切又隱土之次曰五壤五壤之狀芬然若澤若屯土注言其土得澤則墳起爲堆故曰屯土也又壤土之次曰五浮五浮之狀捍然如米以葆澤不離不圻注捍堅貌其土屑碎如米

中土曰五忒其次五壚次五堊次五剽次五沙次五塌

又同上中土曰五。忒。五忒之狀廩焉如塹潤濕以處。注塹猶彊也。春通下有糠以肥此塹與濫同。忒音朮。又忒土之次曰五。纁。五纁之狀彊力剛堅其粟大。注言其粒大。纁音盧此作爐未詳。又纁土之次曰五。塹。五塹之狀芬焉若糠以肥。注謂其地色黃而虛。塹音稟此作塹未詳。又塹土之次曰五。剽。五剽之狀華然。分以脈。注謂其地色青紫若脈然也。又剽土之次曰五。沙。五沙之狀粟焉如屑塵。注言其地粟碎故若屑塵之屬。屬踊起也。又沙土之次曰五。塌。五塌之狀累然如僕累不忍水旱。注僕附也言其地附著而重累也。塌音革。按讀書雜志五之九洪云山海經中山經埤渚多僕累郭璞注云僕累蝸牛也此上下文若糠以肥如屑塵屬如糞如鼠肝皆舉物以喻其土注非念孫按洪說是也僕累卽爾雅之蚶贏聲相近。

下土曰五。猶其次五。引次五。殖次五。穀次五。鳧次五。桀。

又同上下土曰五。猶五猶之狀如糞。又猶土之次曰五。引五。

引之狀如鼠肝。按五引引字。今本管子俱作引。高郵王氏讀書

雜志五之九所見本亦同。考字書無引字。淮南子墜形訓壯土

之氣御於赤天。引或壯字之譌。諸書亦無作引字者。王氏按淮

南謂壯土當爲牡土。對下牝土而言。壯字俗書作牡。與牡相似

而誤。此又一解。錄存備考。又壯土之次曰五。殖五殖之狀甚

澤以疏離圻以臞瘠。沈氏亮曰。圻當作圻。瘠當作瘠。音籍。薄

土也。又五殖之次曰五。穀五穀之狀婁婁然。不忍水旱。注婁

婁疏也。穀胡谷切。音斛。又音確。又穀土之次曰五。鳧五鳧

之狀堅而不骼。注雖堅不同骨之骼也。骼古伯切。音格。禮月

令掩骼埋胔。注骨枯曰骼。又鳧土之次曰五。桀五桀之狀甚

鹹以苦其物爲下

駢剛赤緹疆槩堅土也

〔周禮地官草人〕凡糞種駢剛用牛〔注〕故書駢爲挈杜子春挈讀爲駢謂地色赤而土剛強也〔又〕赤緹用羊〔注〕赤緹線色也〔疏〕爾雅云一染謂之線故以線赤當之也〔釋文〕緹音抵李它奚反聶吐弟反線七絹反阮氏按勘記線赤浦鍾云赤當色之誤

〔又〕疆槩用蕢〔注〕疆槩強堅者〔疏〕以槩爲監故爲強堅〔釋文〕槩本又作墜呼覽反劉音檻阮氏按勘記段玉裁云監當作槩又疆唐石經宋本余本嘉靖本同閻監毛本疆作疆釋文羣經音辨皆誤作疆从土宋本載音義作疆不誤

墳壤勃壤埴塶輕𦵏脆土也

〔又〕同上墳壤用麋〔注〕故書墳作盆鄭司農云墳壤多盆鼠也元

謂墳壤潤解釋文墳盆竝符粉反

又勃壤用狐注勃壤粉解

者疏壤是和緩故爲粉解阮氏校勘記勃唐石經諸本同閩監

毛本勃作勃訛

又埴埴用豕注埴埴黏疏者疏以埴爲黏以

壚爲疏故云黏疏也釋文埴時力反一音職壚音盧李一音閭

又輕煨用犬注輕煨輕脆者疏煨脆聲相近故知煨卽脆也

釋文煨李照反李音婦堯反阮氏校勘記煨唐石經諸本同釋

文作煨按釋文是也與篆體合

甌臾窰下也

荀子大略篇流丸止於甌臾注甌臾窰下之地

淳鹵易鹵石留磽薄地也

左傳襄公二十五年表淳鹵注淳鹵埴薄之地

漢書溝洫志

第九鄴有賢令兮爲史公決漳水兮灌鄴旁終古鳥鹵兮生稻

梁注烏卽斥鹵也。謂鹹鹵之地也。文選魏都賦林藪石留而

蕪穢。劉淵林注戰國策段規謂韓王曰分地必取成臯。韓王曰成臯石留之地無所用之也。石留之地喻土地多石。猶人物之有留結也。策曰壤漱而石也。或作溜字。按今本戰國策韓一石留作石溜。高氏誘鮑氏彪注本並同。

五陵東。阨陵南。息慎西。威夷北。雁門中。朱滕。

爾雅釋地東陵阨南陵息慎西陵威夷中陵朱滕北陵西喻雁門是也。正義此釋五方之陵名也。阨音信。

加陵陵之大者。湟梁梁之大者。

又同上陵莫大於加陵。梁莫大於湟梁。注湟水名。梁隄也。正義春秋襄十六年會於湟梁。郭訓梁爲隄者以釋宮云。隄謂之梁也。湟古壁切。

山之東曰朝陽西曰夕陽

又釋山山西曰夕陽注暮乃見日又山東曰朝陽注旦即見日
近上旁陂曰翠微

又同上山脊岡未及上翠微注近上旁陂
翠者曰厓巖

又同上山頂冢翠者厓巖注謂峯頭窺巖垂魏二音

石山戴土曰崔嵬

又同上石戴土謂之崔嵬土戴石爲砢

附婁培塿整敦魁父小土山也

說文解字第十四附婁小土山也春秋傳云附婁無松柏左

傳襄公二十四年部婁無松柏注部婁小阜阮氏校勘記按說

文附字注引傳作附婁無松柏部與附蓋古字通北宋刻釋文

婁本或作壤應劭風俗通義李注文選魏都賦引並作培壤

〔文選荅賓戲〕欲從整敦而度高乎泰山〔注〕服虔曰敦音頓頓邱

也應劭曰爾雅曰前高整邱如覆敦者敦邱也整音旄郭璞爾

雅注曰敦盍也都同切〔按〕今爾雅釋邱作前高旄邱釋文旄謝

音毛字林作𡵓又作𡵓俱亡付反〔列子湯問篇〕以君之力曾

不能損魁父之邱如太行王屋行〔注〕魁父小山也在陳留界

賢商小塊也

〔說文解字第十四〕賢商小塊也・賢去衍切

岱宗泰山也

〔廣雅釋山〕岱宗謂之泰山〔疏證〕堯典至於岱宗風俗通義云宗

者長也五嶽之長

天柱霍山也

爾雅釋山霍山爲南嶽注在衡陽湘南縣南今在廬江濡縣西
卽天柱山潛水所出也

大舉華山也

大與太通廣雅釋山舉山謂之太舉。爾雅釋山河南華釋文
華戶花戶化二反字林作華同

常山恒山也

爾雅釋山恒山爲北嶽注恒山在常山上曲陽縣西北正義曰
恒者常也萬物伏藏於北方有常也又書疏引郭氏音義云恒
山一名常山避漢文帝諱

微閭醫無閭也

楚辭遠遊朝發軔於太儀兮夕始臨乎於微閭王逸注爾雅曰
東方之美者有醫無閭之珣玕琪焉釋文於於其切一云微毋

閭

崑陵崑侖也

〔十洲記〕崑崙號曰崑陵。在西海之戌地北海之亥地去岸十三萬里。〔按〕陵本一作陵通雅地輿類云十洲記之崑陵卽崑崙故曰有五角方氏之說與駢雅同是所見之本與今異也。侖同崙平圃。平圃也。

〔山海經西山經〕槐江之山其陰多采黃金銀寶惟帝之平圃。〔注〕卽平圃也。穆天子傳曰乃爲銘跡於平圃之上。謂刊石紀功德如秦皇漢武之爲者也。〔箋疏〕按穆天子傳平圃作縣圃。前鍾山注引文同此。引作平圃蓋平縣聲同古通用。

逆龍燭龍也

〔楚辭大招〕魂乎無北北有寒山。〔連〕龍。〔施〕只。〔洪興祖補注〕連音卓。

遠也山海經西北海之外有章尾山有神身長千里人面蛇身而赤是燭九陰是謂燭龍疑此遠龍卽燭龍也施詐力切大赤也。燭卽燭字解見下燭銀注

咸唐咸池也

又九歎枉玉衡於炎火兮委兩館於咸唐王逸注咸唐咸池也渤澥天池南冥海也

文選子虛賦浮渤澥游孟諸注應劭曰渤澥海別枝也澥音蟹莊子內篇逍遙遊是鳥也海運則將徙於南冥南冥者天池也

蒲昌蒲類鹿渾潭彌陽池西海也

初學記地部海第二按西海大海之東小水名海者則有蒲昌海蒲類海青海鹿渾海潭彌海陽池海注漢書曰蒲昌海一名

鹽澤廣袤三百里其水渟冬夏不減皆以潛行地下南出積石
又郭義恭廣志云蒲類海在西域東北十三州記曰允吾縣西
有卑禾羌海代謂之青海後魏書曰太祖西征次鹿渾海郭義
恭廣志云羌中之西有渾彌海陽池海

渤鞞伊連私渠北海也

又同上按北海大海之別有瀚海瀚海之南小水名海者則有
渤鞞海伊連海私渠海注漢書霍去病伐匈奴北至瀚海後漢
竇憲伐匈奴至渤鞞海郭義恭廣志曰匈奴中北有伊連海後
漢梁諷說北單于單于喜即將人衆與諷俱還到私渠海

渠弭裨海也

國語齊語使海於有蔽渠弭於有渚環山於有牢注賈侍中云
渠弭裨海也

歸塘尾閭惡焦沃焦海水之所銷也。

列子湯問篇渤海之東不知幾億萬里有大壑焉實惟無底之谷其下無底名曰歸墟。注或作歸塘。莊子外篇秋水天下之水莫大於海萬川歸之不知何時止而不盈尾閭泄之不知何時已而不虛。釋文尾閭崔云海東川名司馬云泄海水出外者也。藝文類聚八水部元中記曰天下之强者東海之惡焦焉水灌而不已惡焦者山名也在東海南方三萬里海水灌之而卽消。按焦與焦通禮內則舉焦釋文焦字又作焦子消反。文選江賦滌大壑與沃焦。注元中記曰天下之大者東海之沃焦焉水灌之而不已沃焦山名也在東海南方三萬里。按御覽卷六十地部引亦作沃焦藝文則沃作惡文亦小異同出一書而所引不同如此。

泉涌出曰濫泉。溜下曰沃泉。仄出曰汎泉。一盈一涸曰瀾。洑流川曰溪。闕同川曰過。辨小波曰泊。柏濁泥曰濺。滓。

爾雅釋水。濫泉。正出。正出涌出也。注公羊傳曰直出直猶正也。

正義說文云濫濡上及下也。詩曰畢沸濫泉。今大雅桑柔篇作潐沸。檻泉。毛傳涌泉之源所由者。深言泉之直出者。其勢超涌。故說文云涌滕也。滕水超涌也。釋名云水正出曰濫泉。濫銜也。如人口有所銜口闔則見也。詩疏引李巡云水泉從下上出者涌泉。呂氏春秋本味篇高原之山其上有涌泉焉。隋書地理志襄陵郡梁縣有濫泉。蓋後人依爾雅以爲名。濫音檻。又沃泉縣出。縣出下出也。注從上雷下。又汎泉。穴出。穴出仄出也。又井一有水一無水爲瀾。洑。注山海經云天井夏有水冬無水卽此類也。正義瀾竭也。洑有水聲。洑洑也。瀾居例切音屬。

文選

說文解

字第十一 澱。滓。濁泥。● 澱堂練切。滓阻史切。

天智龍輔璆琳赤瑕璵嬰垣璫琤塗黃璫璵美玉也。

廣雅釋地瓊支瑾瑜昭華白玕璇璜弁和璵璠坐棘碧璫藍田

珠璣琬琰瑤瑤瑤赤瑕玉疏證支與枝同楚辭離騷折瓊枝

以繼佩九歌益將把兮瓊芳王逸注云瓊玉枝也玉篇引莊子

外篇云積石生樹名曰瓊枝其高一百二十仞大三十圍以琅

玕爲之實。又疏證說文瑾瑜美玉也。宣十五年左傳云瑾瑜。

匿瑕西山經云瑾瑜之玉堅栗精密濁澤而有光五色發作以

和柔剛

又疏證淮南子泰族訓云堯贈舜以昭華之玉西京

雜記云秦有玉笛長二尺二寸二十六孔銘曰昭華之琯

又

疏證楚語楚之白珩注云珩佩上之橫者禮記通作衡珩之言
衡也衡施於佩上也一命再命黜衡三命蒞衡白珩其最貴者
玉藻云天子佩白玉是也

又疏證說文璿美玉也堯典在璿

璿玉衡馬融注亦名美玉天官書作旋後漢書安帝紀作璇竝

字異而義同周禮大宗伯以元璜禮北方白虎通義引逸禮云

半璧曰璜定四年左傳分魯公以夏后氏之璜杜注云璜美玉

名按璇殿本後漢書作璇毛本作璇又說文解字第一璇字注

瓊或从旋省臣鉉等曰今與璿同

又疏證韓非子和氏篇云

楚人和氏得玉璞楚山中奉而獻之厲王厲王使玉人相之玉
人曰石也王以和爲誑而刖其左足及武王卽位和又奉其璞

而獻之武王武王使玉人相之又曰石也王又以和爲誑而別其右足及文王卽位和乃抱其璞而哭於楚山之下三日三夜王乃使玉人理其璞而得寶玉焉遂命曰和氏之璧新序雜事篇和氏作弁和。國策秦策注作卞和〔又疏證〕定五年左傳

陽虎將以璵璠歛杜注云璵璠美玉君所佩釋文璵本又作與說文與璠魯之寶玉孔子曰美哉與璠遠而望之煥若也近而視之瑟若也一則理勝一則孚勝〔又疏證〕傳二年公羊傳坐

棘之白璧何休注云坐棘出美玉之地趙岐孟子注同〔又疏

證〕淮南子汜論訓云劒工惑劒之似莫邪者唯歐冶能名其種玉工眩玉之似碧盧者唯猗頓不失其情盧與璠通〔又疏證〕

說文璠璠玉也璠與璠同亦通作來晉書輿服志云九嬪銀印青綬佩來璠玉。來獨二音 琬紆晚反琰以冉反見尚書顧

命疏引周禮春官典瑞及考工記文不悉載

〔史記范雎列傳〕

且臣聞周有砥礪宋有結綠梁有縣熬楚有和朴此四寶者土

之所生良工之所失也而爲天下名器。國策秦策礪作厄熬

作黎朴作璞注卞和之璞皆美玉名。縣音懸

〔廣雅釋地〕礪

塘〔疏證〕說文瑤玉也楚辭九章被明月兮佩寶璐王逸注云寶

璐美玉也淮南子修務訓唐碧堅忍之類猶可刻鏤以成器用

高誘注云唐碧石似玉唐與塘通

〔文選上林賦〕晁采。琬琰和

氏出焉〔注〕司馬彪曰晁采玉名善曰晁古朝字〔按〕晁又作鼂漢

書景帝紀御史大夫晁錯本傳作鼂錯竝馳遙切音潮

〔集韻〕

平聲二瑣。璣美玉也〔按〕瑣或作琨公渾切璣或作琤芳無切說

文玉部引虞書揚州貢瑤琨或从貫漢書地理志引書瑤琨亦

作瑤瑣音昆

〔穆天子傳卷二〕春山之澤清水出泉溫和無風

飛鳥百獸之所飲食先王所謂縣圖天子於是得玉策枝斯之英注英玉之精英也。築洪校本據玉海八十七引作榮以厚齋所見本爲正也。又卷三智氏之夫獻酒百口於天子天子

齋所見本爲正也

又卷三

呂氏之夫獻酒百口於天子天子

賜之狗。璫采。

注疑玉名

洪校本瓊作瓊注瓊采疑瓊采瓊卽

璫字之譌古文璫璫通用按璫應作璫係通行本板誤字讀若

縱

又卷四

爰有采石之山重顰氏之所守曰枝斯璿瑰璵璠。

琅玕玲瓏无瓚玕琪徽尾凡好石之器于是出注璿瑰玉名左

傳曰贈我以璿瑰旋同兩音

又瑤瑤注亦玉名瑤音遙○瑛

字音無考洪校本作琰云琰本作瑣从玉篇玉部引改按玉篇

玟莫骨切

又玲瓏无瓊注皆玉名字皆無聞玲瓏音鈴瓊○

淇按本作玲瓏无瓊。注玲本作玲案玉篇云宋石山有玲玕琪

所引卽此文今改正又上文璫宋郭氏不作音此音璫者必璫

字也无疑采字之譌按古長字作尢與无字相近駢雅作長則非采字之譌可知洪挾失之璜洪作璜欲遷就鈴璜璜字亦非

又玕琪注玉屬也于其二音微尾無聞焉。微音未詳逸

周書世俘解時甲子夕商王紂取天智玉琰五環身厚以自焚凡厥有庶告焚玉四千五日武王乃俾于千人求之四千庶玉則銷天智玉五在火中不銷注天智玉之上美者也左傳昭

公二十九年公賜公衍羔裘使獻龍輔於齊侯注龍輔玉名疏以玉爲函輔盛龍節謂之龍輔按說文云龍禱旱玉也爲龍文

又玉人云上公用龍爾雅釋地西北之美者有崑崙虛之璆

琳琅玕焉注璆琳美玉名。璆音求又居蚪間幼二切廣雅

釋地赤瑕疏證說文瑕玉小赤也司馬相如上林賦赤瑕駁磈張注云赤瑕赤玉也張衡七辯云玩赤瑕之璘幽瑕者赤色之

[又璊瑯疏證]說文璊三采玉也周官弁師璆玉三采故書璆作璊鄭衆注云璊惡玉名中山經穀水多瑠玉今本瑠譌作瑠水經穀水注及太平御覽並引作瑠按此作瑠亦誤。無窘二音

[山海經西山經]踰次之山其陽多嬰垣之玉[注]垣或作短或作根或作理傳寫謬錯未可得詳

[又小華之山其陽多瑇瑁之玉][注]瑇瑁王名所未詳也。攖浮二音

[淮南子本經訓]流黃出而朱草生[注]流黃玉也。此作塗未詳說文塗坐玉也音留

瑇瑁解上按瑇瑁瑇瑁字各爲義本非駢字上云璊瑠此又云瑇瑁衍三字爲四字尤爲失之

砮硃琨瑀璊玞玲璫唐碧琇璫美石也

砒砒現瑀臧玢玢玢唐碧琇瑾美石也

文選子虛賦其石則赤玉玫瑰琳琅昆吾璚功辛厲礪石碻碻

〔注〕張揖曰礪石礪砮皆石之次王者礪石白者如冰半有赤色
礪砮赤地白采慈龍白黑不分善曰戰國策曰白骨疑象礪砮
類玉按礪砮通作武夫〔廣雅釋地〕蜀石礪砮礪砮武夫
琨瑀瑤石瑊玕珂石之次玉〔疏證〕說文琨石之美者禹貢琨
篠簞王肅注云瑤琨美石次王者也按琨卽琨瑀也又中山經
葛山其下多礪石郭注云瑊瑊石似玉也。琨瑀之瑀亦
作琨琨瑀山名故通作昆吾〔文選子虛賦注〕張揖曰瑊玕石
之次王者如淳曰瑊音絨玕音勒〔說文解字第一〕玕瑊石之
次王者古函廬則二切唐碧詳上瑊瑊注〔詩淇奥〕充耳琨
瑊〔傳〕琨瑊美石也。〔按〕瑊从玉此作瑊未詳。秀瑊二音
半厲黑石也。

〔文選子虛賦注〕張揖曰半厲黑石可用磨也

須丸赭石也。

經史證類大全本草玉石部下品代赭一名須丸。注出姑幕者名須丸出代郡者名代赭。赭音者章也切。

礙瞿青石也。

礙疑礙字之譌詳下礙礪注

碑礪礪礪。靺鞨水晶琅玕火齊玫瑰雲母流離鏞錐異石也。

碑礪礪礪見廣雅釋地詳上琅玕注又疏證碑礪礪古通作車渠

藝文類聚引廣志云車渠出大秦國及西域諸國南海藥譜引韻集云車渠玉石之類形似蚌蛤有文理魏文帝車渠椀賦序云車渠玉屬也多纖理縹文生於西國其俗寶之小以繫頸大以爲器。又疏證礪礪通作馬腦藝文類聚引廣志云馬腦出

西南諸國魏文馬腦勒賦序云馬腦玉屬也出自西域文理交

錯有似馬腦故其方人因以名之或以繫頸或以飾勒

通雅

四十八金石類

韎韐木難鴉鶻貓睛皆寶石也碧者唐人謂之

瑟瑟紅者宋人謂之韎韐升庵謂韎韐卽肅慎地產寶石而正

楊譏之智謂韎韐乃紅韋色以其聲名其國寶石之紅韎韐言

其色耳唐大中時貢十二玉有紅韎韐。莫撥胡葛二切

山

海經南山經堂庭之山多水玉

注水玉今水精也廣雅釋地水

精謂之石英疏證衆經音義卷七引廣雅作瑛按水精今俱作

水晶郎氏七修類稿謂是石中所產近多作偽然識者類能辨

之至多年老冰所化乃劉貢父謔語耳曹氏格古論指以爲實

似非篤論姑存其說可爾

書禹貢

雍州厥貢惟球琳琅玕傳

琅玕石而似玉疏釋地云西北之美者有崑崙虛之璆琳琅玕

焉說者皆云球琳美玉名琅玕石而似珠者必相傳驗實有此

言也。按琅玕或以爲似玉或以爲似珠總之皆異石也。穆天子傳卷四琅玕。注石似珠也。開元占經一百十四器用休徵占篇孝經援神契曰神靈華液百寶爲用則琅玕。景注宋均曰事神明得理則琅玉有光景也。文選吳都賦其琛賂則琨瑤之阜銅錯之垠火齊之寶駭雞之珍。劉淵林注異物志曰火齊如雲母重沓而可開色黃赤似金出日南。齊在詣切。廣雅釋地瑠璃珊瑚玫瑰夜光隋侯虎魄金精璣珠疏證玉篇引倉頡篇云玫瑰火齊珠也裴松之注魏志引魏略云大秦國多玫瑰。按韓非子外儲說左上云綴以珠玉飾以玫瑰以珠玉與玫瑰對舉明非珠類司馬相如子虛賦其石則赤玉玫瑰直指爲石尤爲明顯廣雅此段疑有闕文似不必曲爲之說也。御覽八百九珍寶部八引廣雅曰神靈滋液百寶用則玫瑰出今廣雅亦無

此文·莫栢戶恢二切

文選江賦雲精燭銀

注異物志曰雲

母一名雲精御覽八百八珍寶部春秋運斗樞曰樞星散爲雲

母淮南萬畢術曰雲母入地千歲不朽雲母在足無踐棘注曰

取大雲母塗足下棘不能刺又王建平典術曰雲母有五名其

色青黑五色亂文者名曰雲母白而微青名曰雲英如水露黃

白名曰雲沙青赤雜者名曰雲珠黃白而赤重厚名陽起石雲

母根也其中黑文斑如錢名雲膽傷人不可服

漢書西域傳

上屬賓國虎魄璧流離

注孟康曰流離青色如玉師古曰魏略

云大秦國出赤白黑黃青綠縹組紅紫十種流離按流離卽琉

璃今皆用礁煮石爲之非若師古所言有自然琉璃石也說詳

通雅四十八金石類

說文解字第十四

鑪錡火齊·徒郎杜

兮二切

夜光。隋侯江厓莫難瑟瑟寶珠也。

夜光。隋侯見廣雅釋地詳上玫瑰注。又疏證墨子耕柱篇云和氏之璧。隋侯之珠。三棘六異。此諸侯之所謂良寶也。初學記太平御覽引墨子隋侯竝作夜光。史記田敬仲世家梁王曰寡人有徑寸之珠。照車前後各十二乘者十枚。卽所謂夜光之珠也。或謂之明月。趙策云明月之珠。和氏之璧。文選西都賦注引許慎淮南子注云夜光之珠有似明月。故曰明月也。凡珠玉之有光者。通謂之夜光。故楚策云夜光之璧。逸周書王會解正西昆侖狗國鬼親枳已闌耳貫胸雕題離邱漆齒。請令以丹青白旄紕罽。江厓龍角神龜爲獻。注江厓珠名。藝文類聚八十四寶玉部廣志曰莫難珠其色黃生東夷。按御覽八百二珍寶部二又八百九珍寶部八兩引廣志一作莫難一作木難。木莫一

聲之轉木難卽莫難也

通雅四十八金石類廣雅曰瑟瑟碧

珠也或曰碧珠如琅玕之類或曰寶石緯略確以爲珠類秦之

則曰今世所傳瑟瑟皆鍊石爲之

頓牟琥珀也

論衡十六亂龍篇頓牟掇芥磁石引針皆以其真是不假他類

庶物異名疏金石部頓牟琥珀也

駭雞犀角也

國策楚策楚王乃遣使車百乘獻雞駭之犀夜光之璧於秦王

鮑彪注引抱朴文按抱朴子內篇登涉第十七通天犀角有一

赤理如縷自本徹末以角盛米置羣雞中雞欲啄之未至數寸

卽驚却退故南人或名通天犀爲駭雞犀文選蜀都賦注孝經

援神契曰神靈滋液則雞駭犀宋衷注角有光雞見而駭驚也

銅勒石膽也。

〔經史證類大全本草玉石部上品〕石膽一名銅勒。

僂句昭兆寶龜也。

〔左傳〕昭公二十五年臧昭伯如晉臧會竊其寶龜僂句。〔注〕僂句

龜所出地名。僂力主反又力具反句居具反。

〔又定公六年〕

成之昭兆。〔注〕寶龜。〔疏〕賈逵云昭兆寶龜杜依用之成公新得此

龜蓋以灼之出兆兆文分明故名爲昭兆。

燭銀晶鐙也。

〔穆天子傳卷一〕天子之瑤玉果璿珠燭銀。〔注〕銀有精光如燭。

燭文選江賦注引作燭。

羽硯羽澤磬也。

〔經史證類大全本草玉石部上品〕磬石一名羽硯一名羽澤。

1995

1-91113-

廩諸礪諸礎礪礪也。

1

1914.

駢雅卷五訓纂十一終

駢雅

卷五訓纂十一

訓纂十一

三